

T5299/7178(9)

9

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

JUL 17 1959



太宰府  
社文庫

蔡子家註批點杜工部詩集卷之十七

西府文庫藏書

豎子至 大正二年夏夔州作鶴曰  
公時寓居夔州之瀼西

橙梨且綴碧梅杏半傳黃小子幽園至輕籠熟

捺香山風猶滿把野露及新嘗歌枕江湖客提

攜日月長 殊曰日一作終  
歌枕一作欲寄

哈佛大學漢和  
圖書館珍藏印

槐葉冷淘

青青高槐葉采掇付中厨新麩來近市汁滓究  
相俱入鼎資過熟加餐愁欲無碧鮮俱照筍香

飯兼苞蘆經齒冷於雪勸人投比珠願隨金腰

裏走置錦屠蘇路遠思恐泥興深終不渝獻芹

則小小薦藻明區區萬里露寒殿開冰清玉壺

君王納涼晚此味亦時須夢弼曰苞蘆謂蘆葦也

脩可曰屠蘇白或作屠蘇玉篇云屠蘇庵也通俗文屋平曰屠蘇廣韻云屠蘇草庵又屠蘇酒

蓋昔人居屠蘇釀酒因名今詳是詩走置錦屠蘇正謂屋也古樂府折腰銅七首障日錦屠蘇

洙曰語致遠恐泥獻芹兄

園

仲夏添多水清景向小園碧溪搖艇閣朱果爛

枝繁始為江山靜終防市井喧哇蔬繞茅屋自

足媚盤飧趙曰盤飧字出左傳

歸

束帶還騎馬東西却渡船林中纔有地峽外絕

無天虛白高人靜喧卑俗累牽他鄉閱遲暮不

敢廢詩篇洙曰夔州居山水間在峽中號為翁平莊子虛室生白趙曰鮑明遠舞鶴賦歸入寰

之喧卑

上後園山脚

朱夏熱所嬰清旦步北林小園背高岡挽葛上  
崎崿曠望延駐日飄颻散踈襟潛鱗恨水壯去  
翼依雲深勿謂地無疆劣於山有陰石椽遍天  
下水陸兼浮沉自我登隴首十年經碧岑劔門  
來巫峽薄倚浩至今故園暗戎馬骨肉失追尋  
時也無消息老去多歸心志士惜白日又客籍

黃金敢為蘇門嘯庶作梁父吟

天覺曰音嶽山  
兒洙曰山此曰

陰山曰唐韻棟其原木名或云善木止是石厚  
字沈曰石棟其子如芎藭其皮可以禦飢時天  
下荒亂小民轉溝壑水陸並載石棟以充糧也  
趙曰古詩志上借白日洙曰晉阮籍嘗於蘇門  
山遇孫登與商畧終古及捫神導氣之術登皆  
不應籍因長嘯而退蜀志諸葛亮好為梁父吟

諸葛廟

父遊巴子國屢入武侯祠竹日斜虛寢溪風滿  
簿帷君臣當共濟賢聖亦同時翊戴歸先主并

吞更出師蟲蛇穿畫壁巫覡醉蛛絲

描寫不盡  
雖死上句

荒落  
可見欵憶吟梁父躬耕起未遑

夢弼曰國語在  
男曰覡在女曰

巫覡研歷切趙曰張衡東京賦巫覡操葑

舍第觀歸藍田迎新婦送示二首

汝去迎妻子高秋念却迴即今螢已亂好與鴈

同來東望西江永南遊北戶開卜居期靜處會

有故人杯

趙曰詩江之永矣吾都賦開此戶以徇日

楚塞難為路藍田莫滯留衣裳判白露鞍馬信

清秋

春風自信牙搗動凡再用所自得者

蒲峽重江水開帆八月

舟此時同一醉應在仲宣樓

趙曰後漢末王粲字仲宣依劉表於

荆州因登樓而作賦其後指荆州樓為仲宣樓

行官張望補稻畦水歸

東屯大江北百頃平若按六月青稻多千畦碧

泉亂插秧適云已引溜加溉灌更僕往方塘決

渠當斷岸公松各地著浸潤無天旱主守問家

臣分明見溪畔芊芊炯翠羽剡剡生銀漢鷗鳥

鏡裏來關山雪邊看秋菰成黑米精鑿傳白粲

玉粒足晨炊紅鮮任霞散終然添旅食作苦期

壯觀遺穗及衆多我倉戒滋蔓

仕觀滋蔓勉強何苦○洙曰更

僕以蕃次更代使之也禮記乃留更僕劉公幹詩方塘含白水漢食貨志理民之道也著為本

注謂安士也著涉畧切夢弼曰大夫之臣曰家臣家臣主守田野此即是指行官而言也趙曰

鏡裏雪邊皆言畦水之明潔也夢弼西京雜記菰白米長安人謂之彫胡趙曰精鑿出左傳粢

食不鑿鑿音作傳治米使白晁曰傳合也謂以菰米合白粳炊洙曰楊惲傳田家作苦

返照

楚王宮北正黃昏白帝城西過雨痕返照入江

翻石僻歸雲擁樹尖山村字字著意衰年肺病唯高

枕絕塞愁時早閉門不可久留豺虎亂南方實

有未招魂語不輕易感恨更多

灩澦

灩澦既沒孤根深西來水多愁太陰江天漠漠

鳥雙去風雨時時龍一吟舟人漁子歌回首估

客胡商淚滿襟寄與舟航惡年少休翻鹽井橫

黃金夢弼曰寰宇記灩澦堆冬來出二十餘丈夏永張半沒鄭曰橫戶孟切不以理也洙

曰一作擲

季夏送鄉弟韶陪黃門從叔朝謁

鶴曰時杜鴻漸

以黃門侍郎同平章事鎮蜀既平崔旰之難遂還朝

令弟尚為蒼水使

公自注韶北兼開江使通成都外江下峽舟船

名家

莫出杜陵人比來相國兼安蜀

太直致

歸赴朝廷

已入秦捨舟策馬論兵地拖玉腰金報主身莫

度清秋吟蟋蟀

此吟蟋蟀亦過然出於子美未必不為名言

早聞黃

閣畫麒麟

趙曰吳越春秋禹傷父功不成乃巡衡山血馬以祭仰天而嘯忽夢赤繡

衣男子自插玄夷蒼水使者謂禹曰欲得我山神書者齋馬禹乃退齋三日遂獲金簡玉字之

書言治水之要洙曰長安有南北村最為名家趙曰漢武帝圖畫功臣於麒麟閣

### 夔州歌十絕句

中巴之東巴東山江水開闢流其間白帝高為

三峽鎮夔州險過百牢關

趙曰水經劉璋分三巴有中巴有巴西有

巴東宋曰十道志梁州有百牢關

白帝夔州各異城蜀江楚峽混殊名英雄割據

非天意霸王并吞在物情

夢弼曰王去聲

群雄競起向前朝王者無外見今朝比訝漁陽

結怨恨元德舜日舊蕭韶

此等拙句殆不可解猶以為含蓄○趙曰

明皇寵幸祿山卒以怨恨起兵於漁陽此句古蓄美中有刺蕭韶謂霓裳曲也

赤甲白益俱刺天間閣繚繞接山巔楓林橘樹

丹青合複道重樓錦繡懸

灤東灤西一萬家江北江南春冬花皆飛鶴子

遺瓊藥相趁鳧雛入蔣牙

趙曰玉漿白鶴賦食靈岳之瓊藥夢弼曰

唐韻蔣菰草也

東屯稻畦一百頃北有澗水通青苗晴浴狎鷗

分處處雨隨神女下朝朝

脩可曰夔有半田號青苗跋

蜀麻吳監自古通萬斛之舟行若風長年三老

長歌裏白晝攤錢高浪中

洙曰峽人謂操舟人為長年三老長上聲

田曰後漢梁冀傳少好意錢之戲注引何承天纂文曰詭億一曰射意一曰射數即攤錢也

憶惜咸陽都市合山水之圖張賣時巫峽曾經

寶屏見楚宮猶對碧峰疑

關風玄圃與蓬壺中有高堂天下無借問夔州

歷何處峽門江腹擁城隅



武侯祠堂不可忘中有松栢參天長干戈滿地  
客愁破雲日如火炎天涼惟此最得歌體疎暢  
磊落

上卿翁請脩武侯廟遺像缺落時崔卿權

夔州因其權州即託以  
此古人惟恐失之

大賢為政即多聞刺史真符不必分尚有西郊

諸葛廟卧龍無首對江濱此用出處之散缺落  
何至此

又上後園山脚

昔我遊山東憶戲東岳陽窮秋立日觀矯首望

八荒朱崖著毫髮碧海吹衣裳舊收因用事玄

冥對強梁逝水自朝宗鎮石各其方平原獨焦

悴農力廢耕桑非關風露凋曾是戎役傷於時

國用富足以守邊疆朝廷任猛將遠奪戎虜場

到今事反覆故老淚萬行龜蒙不可見况乃懷

故鄉肺萎屬义戰骨出熱中腸憂來杖匣劔更

上林北岡瘴毒猿鳥落峽乾南日黃秋風亦已

起江漢始如湯登高欲有往蕩析川無梁哀彼

遠征人去家死路傍不及父祖塋累累塚相當

謂死戰地也○本上後園山脚耳却從昔登東岳俯望中州轉及時事情緒闊遠故收拾悲動

○鶴曰東岳在兗州即齊地洙曰朱崖海南州也碧海在東葦收秋神玄冥冬神也鶴曰平原

指德州屬河北道開元未張守珪使祿山討奚契丹故戍役為民害公言至趙時事也龜蒙二

山名龜山在兗州蒙山在青州

### 夜雨

小雨夜復密迴風吹早秋野涼侵閉戶江蒲帶

維舟清通籍恨多病為郎忝薄游天寒出巫峽

醉別仲宣樓洙曰仲宣樓指荊州注見前

### 更題

只應踏初雪騎馬發荊州直怕巫山雨真傷白

帝秋群公蒼玉佩天子翠雲裘同舍晨趨侍胡

為淹此留洙曰晉公卿禮秩持進尚書令皆佩水蒼玉趙曰宋玉賦上翠雲之裘

### 峽隘

聞說江陵府雲沙靜眇然白魚如切玉朱橘不

論錢水有遠湖樹人今何處船青山各在眼却

望峽中天

秋行官張望督促東渚耗稻向畢清晨遣

女奴阿稽暨子阿段往問

鶴曰官猶言門官漢高帝紀有

功勞行田宅師古曰行音行酒之行猶付與也今使之領田故曰行官東渚即東屯

耗稻謂蒲稗之能為禾害者當去之韓文答孟簡書云行官自吉川還唐人自有此

引門官與行田皆不切

東渚雨今足佇聞粳稻香上天無偏頗蒲稗各

自長人情見非類田家戒其荒功夫競搢搢除

草置岸傍穀者命之本客居安可忘青春具所

務勤懇免亂常吳牛力容易並驅動莫當豐苗

亦已概雲水照方塘有生固蔓延靜一資隄防

督領不無人提攜頗在綱荆揚風土暖肅肅候

微霜尚恐主守踈用心未甚藏清朝遣婢僕寄

語踰崇岡西成聚必散不獨陵我倉豈要仁里

譽感此亂世忙

不知所收幾何尚願散之隣里其盛心如此注者乃不盡知

北風吹兼葭蟋蟀近中堂荏苒百工休鬱紆遲

暮傷

洙曰莊子捐捐然用力甚多而見功寡捐苦骨切鄭曰概凡利切欄也趙曰主守謂

行官張望洙曰潘安仁籍田賦我倉如陵我庾如坻記月令霜降百工休

阻雨不得歸灤西甘林

三伏適已過驕陽化為霖欲歸灤西宅阻此江

浦深壞舟百板圻峻岸復萬尋篙工初一棄恐

泥勞寸心

恐泥妻用

佇立東城隅悵望高飛會草堂

亂玄圃不隔崑崙岑昏渾衣裳外

昏渾語生

曠絕同

曾陰園甘長成時三寸如黃金諸侯舊上計厥

貢傾千林邦人不足重所迫豪吏侵客居暫封

殖日夜偶瑤琴

本不相著通得故實

虛徐五株態側塞煩

曾襟焉得輟兩足杖藜出嶇嶮條流數翠實偃

息歸碧潯拂拭烏皮几喜聞樵牧音令兒快搔

背脫我頭上簪

洙曰漢武紀計偕注計者上計簿也鶴曰唐志夔州貢柑橘夢

弼曰日夜偶瑤琴謂聽其風韻若敲瑤琴焉趙曰謝朓有詩烏皮隱几詩

柴門

泛舟登灤西迴首望兩崖東城乾旱天其氣如

焚柴長影沒窈窕餘光散谿衍大江蟠嵌根歸  
海成一家下衝割坤軸竦壁攢鏤鄒簫瑟灑秋  
色氣昏霾日車峽門自此始最窄容浮查禹功  
翊造化疏鑿就欹斜巴渠決太古衆水爲長蛇  
風煙渺吳蜀舟楫通監麻我今遠遊子飄轉混  
泥沙萬物附本性約身不願奢茅棟蓋一床清  
池有餘花濁醪與脫粟在眼無咨嗟山荒人民  
少地僻日夕佳貧病固其常富貴任生涯老於

干戈際宅幸蓮華遮石亂上雲氣衫青延日華

賞妍又分外理愜夫何誇足了垂白年敢居高

士差

師注差葦也未聞殆有差耳但言高士蓋亦可一笑

書此豁平昔迴

首猶暮霞

夢弼曰鎗火含切舒虛加切谷中也嵌丘銜切嵌岩也洙曰夔弼為夷州

甘林

捨舟越西岡入林解我衣青芻適馬性好鳥知  
人歸晨光映遠岫夕露見日晞遲暮少寢食清  
曠喜荆扉經過倦俗態在野無所違試問甘藜

藿未肯羨輕肥喧靜不同科出處各天機勿矜  
朱門是陋此白屋非明朝步鄰里長老可以依  
時危賦歛數脫粟為爾揮相攜行豆田秋花藹  
非菲子實不得喫貨市送王畿盡添軍旅用迫  
此公家威賣豆助軍詩人有主人長跪辭戎馬  
何時稀我衰易悲傷屈指數賊圍勸其死王命  
慎莫遠奮飛鶴曰按唐史是年吐蕃寇近畿故此詩有軍興賦歛之嘆

暇日小園散病將種秋菜督勤耕牛兼書

觸目

不愛入州府畏人嫌我真及乎歸茅宇旁舍未  
曾嘆老病忌拘束應接喪精神江村意自放林  
木心所欣秋耕屬地濕山雨近甚勻冬菁飯之  
半飯之半亦奇怪牛力晚來新深耕種數畝未甚後四  
鄰嘉蔬既不一名數頗具陳荆巫非苦寒採擷  
接青春飛來兩白鶴暮啄泥中芹雄者左翻壘  
損傷已露筋一步再流血尚經矧繳勤三步六

號叫

三 步 六 號 在

志屈悲哀頻鸞鳳不相待側頸訴

高旻杖藜俯沙渚為汝鼻酸辛

洙曰尚經矰繳勤經一作驚夢

弼曰矰空登切繳與繫同之若切矰繳以絲繫矢而射也

月

斷續巫山雨天河此夜新若無青嶂月愁殺白

頭人魍魎移深樹蝦蟆動半輪故園常北斗直

想照西秦

趙曰長安上直北斗公之家在

見螢火

巫山秋夜螢火飛簾踈巧入坐人衣忽驚屋裏

琴書冷復亂簷前星宿稀却遶井欄添箇箇偶

經花藥弄輝輝滄江白髮愁看汝來歲如今歸

未歸

寄劉峽中伯華使君四十韻

峽內多雲雨秋來尚鬱蒸遠山朝白帝深水謁

夷陵遲暮嗟為客西南喜得朋哀猿更起坐落

鴈失飛騰伏枕思瓊樹臨軒對玉繩青松寒不

落碧海闊逾澄昔歲文為理群公價盡增家聲

同令聞時論以儒稱犬后當朝肅頌則多才接天語

迹昇翠虛捎魍魎丹極上鯤鵬宴飲春壺滿一作

酒恩分夏簞冰只合滿字壺即酒雕章五色筆矣水字義虛謂筆

紫殿九華燈學並盧王敏書偕褚薛能老兄真

不墜小子獨無承近有風流作聊從月繼徵放

蹄知赤驥挨翅服蒼鷹卷軸來何晚襟懷庶可

憑會期吟詠數益破旅愁凝雕刻初誰料纖毫

欲自矜神融躡飛動戰勝洗侵凌妙取筌蹄棄

高宜百萬層白頭遺恨在青竹幾人登回首追

談笑勞歌躅寢興年華紛已矣世故莽相仍刺

史諸侯貴郎官列宿應潘生驂閣遠黃霸重書

增乳贗號攀石饑鼯訴落藤藥囊親道士灰劫

問胡僧憑久烏皮綻簪稀白帽稜林居看蟻穴

野食待魚鬻筋力交凋喪飄零免戰兢皆為百

里宰正似六安丞此六安丞亦難注姪女縈新裹丹砂



冷舊稱但求椿壽永莫慮杞天崩鍊骨調情性

張兵撓棘矜養生終自惜伐數必全懲政術

踈誕詞場愧服膺展懷詩誦魯割愛酒如澠咄

咄寧書字冥冥欲避矰江湖多白鳥天地有青

蠅注或以白鳥為蚊蚋非豈有兩句皆說謔成甚律度○洙曰峽州夷陵郡趙曰更起坐更

音平聲洙曰玉繩星名謝元暉詩玉繩低建章趙曰家聲同令聞公言已與劉使君也洙曰甘

泉賦捐夔魘注捐枝也南更江淹夢得五色筆西京雜記元日燃九華燈於終南山卜盧王渚

薛謂盧照隣王勃褚遂良薛稷也趙曰聊從月繼徵謂劉使君近詩可以月月相繼而求之也

洙曰易得魚忘筮得兔忘蹄青竹青簡也趙曰勞歌跼寢與謂勞我歌詠而跼蹐於寢興之間

不謂展也趙曰郎官公自謂也漢明帝云郎官上應列宿出宰百里洙曰潘生驂閣遠一作潘

安雲閣遠晉潘岳以太尉掾寓直子散騎之首高閣連雲陽景罕曜夙興晏寢匪遑底寧其辭

見岳秋興賦漢黃霸為潁川太守治為天下第一宣帝下詔稱揚賜閔內侯贊音畎注見八哀

詩漢武帝穿昆明池悉是灰墨有胡僧云天地大劫將盡則有劫灰此劫灰之餘也夢符曰後

漢桓譚數言事忤旨出為六安郡丞趙曰公謂昔為郎官自可出宰以言房瑄故正如桓譚之

忤旨也洙曰姤女丹砂脩煉之事注見前莊子上古有大椿者以八千歲為椿八千歲為秋列

涉起窮巷奮棘矜注棘戟也矜戰之把也時秦子杞國有人憂天崩遂身死所寄漢徐樂書陳

鎗兵器故但有戰把之耳矜音巨中反夢弼曰  
伐數伐猶伐性之伐數則言壽也或作伐叛非  
洙曰禮記顏子得一善則拳拳服膺晉殷浩被  
廢終日書空作咄咄恠事四字楊子鴻飛冥冥  
弋人何慕焉詩青蠅喻諂人也鮑曰江湖多白  
鳥與白鷗波浩蕩同言自適也

### 草閣

草閣臨無地柴扉永不關魚龍迴夜水星月動  
秋山夕露晴初濕高雲薄未還泛舟慙小婦飄  
泊損紅顏

### 月

併照巫山出新窺楚水清羈栖愁裏見二十四

迴明必驗升沉體如知進退情不違銀漢落亦

伴玉繩橫

是愛月者也鶴曰公在雲安與夔州  
歷望夜見月凡二十四回趙曰公謂

看月至盡夜不逢銀漢落時亦必伴玉繩橫然  
後止

### 十七夜對月

秋月仍圓夜江村獨老身捲簾還照客倚仗更

隨人

自是不經人  
道誰不了此

光射潜蚪動明翻宿鳥頻茅

齋依橘袖清切露華新

白露團圞子清晨散馬蹄團開連石樹船渡入  
江溪憑几看魚樂迴鞭急鳥棲漸知秋實美幽  
徑恐多蹊

孟氏

鶴曰孟十二倉曹與十四主簿也

孟氏好兄弟養親唯小園承顏胠手足坐客強  
盤飧負米力葵外

力葵固不可解夕葵亦晦

讀書秋樹根卜

鄰慙近舍訓子覺先門

洙曰家語子路為親負米夢弼曰力一作夕洙

曰先門謂孟母教子擇鄰也

驅豎子摘蒼耳

江上秋已分林中瘴猶劇畦丁告勞苦無以供  
日夕蓬莠猶不焦野蔬暗泉石卷耳况療風童  
兒且時摘侵星驅之去爛熳任遠適放筐亭午  
際洗剝相蒙幕登床半生熟下筋還小益加點  
瓜薤間依稀橘奴跡亂世誅求急黎民糠粃窄  
飽食復何心荒哉膏梁客富家厨肉臭戰地骸

骨白寄語惡少年黃金且休擲夢弼曰登床謂薦之於俎也趙

曰小益謂卷耳菜能療風也洙曰李衡種橘於龍陽洲謂其子曰吾有千頭本奴歲可收絹千

匹夢符曰漢書陳平傳亦食糠覈耳注云覈音紇京師人謂麤屑為紇頭唐折芳氏族論三世

有三公者曰膏梁有令僕曰革腹夢弼曰西京雜記漢侯幸有韓媽好彈以金為丸所失者日

有十餘長安為之語曰苦飢寒逐金丸

同元使君春陵行天曆二年秋夔州作鶴曰公時居夔之瀼西

覽道州元使君結春陵行兼賊退後示官吏

作二首志之曰當天子分憂之地效漢官良

吏之日今盜賊未息知民疾苦得結輩十數

公落落然參錯天下為邦伯萬物吐氣天下

少安可待矣不意復見比興體制微婉顏挫

之詞感而有詩增諸卷軸簡知我者不必寄

元比意尤好

遭亂髮盡白轉衰病相嬰沉緜盜賊際狼狽江

漢行歎時藥力薄為客羸瘵成吾人詩家秀博

采世上名自叙如此而起興如此比元之二詩故是作者吾人詩家秀蓋自道却似

可  
笑  
繁繁元道州前聖畏後生觀乎春陵作歛見

俊哲情復覽賊退篇結也實國禎賈誼昔流慟

匡衡常引經道州憂黎庶詞氣浩縱橫兩章對

秋月一字皆華星致君唐虞際純朴憶大庭何

時降重書用爾為丹青丹青謂圖像示人也獄訟久衰息

豈惟偃甲兵悽惻念誅求薄歛近休明乃知正

人意不苟飛長纓涼颼振南岳別之子寵若驚

色沮金印犬興含滄溟清謂元詩有棄官刺船語我多長

卿病日夕思朝廷肺枯渴大甚漂泊公孫城呼

兒具紙筆隱几臨軒楹作詩呻吟內淡墨字歎

傾感彼危苦詞庶幾知者聽其首尾如此情事甚真○洙曰漢賈

誼上疏云當今事勢可為慟哭者二可為流涕者二匡衡陳便宜及朝廷有政議傳經以對夢

弼曰兩章即元結春陵行及賊退示官吏作洙曰莊子注大庭氏古者至德之世也漢宣帝時

二千石有治理効輒以璽書勉勵夢弼曰近休明謂為治近乎三代休明之時也左傳楚子觀

兵於周疆問鼎之大小輕重王孫滿對曰德之休明雖小重也其姦回昏亂雖大輕也趙曰不

苟非長纓謂元結不苟且在冠冕之中也洙曰長卿病謂病渴也公孫城謂白帝城即夔州也

春陵行

并序

元結次山

癸卯歲漫叟授道州刺史道州舊四萬餘戶  
經賊已來不滿四千大半不勝賦稅到官未  
五十日承諸使徵求符牒二伯餘封皆曰失  
其限者罪至貶削於戲若悉應其命則州縣  
破亂刺史欲焉逃罪若不應命又即獲罪矣  
必不免也吾將守官靜以安人待罪而已此  
州是春陵故地故作春陵行以達下情

軍國多所須切責在有司有司臨郡縣刑法竟  
欲施供給豈不憂徵歛又可悲州小經亂亡遺  
人實困疲大鄉無一家大族命單羸朝食是草  
根暮食乃木皮出言氣欲絕意速行步遲追呼  
尚不忍况乃鞭撲之郵亭傳急符來往跡相追  
更無寬大恩但有迫促期欲令鬻兒女言發恐  
亂隨悉使索其家而又無生資聽彼道路言怨  
傷誰復知去冬山賊來殺奪幾無遺所願見王

官撫養以惠慈奈何重駈逐不使存活爲安人  
天子命符節我所持州縣忽亂亡得罪復是誰  
逋緩違詔令蒙責固所宜前賢重守分惡以禍  
福移亦云貴守官不愛能適時願惟孱弱者正  
直當不虧何人采國風吾欲獻此辭

賊退示官吏

并序

元結次山

癸卯歲西原賊入道州樊然掠幾盡而去明年賊又攻永破邵不犯此州邊鄙而退豈力

能制敵歟蓋蒙其傷憐而已諸使何爲忍苦  
徵歛故作詩一篇以示官吏

昔歲逢太平山林二十年泉源在庭戶洞壑當  
門前并稅有常期日晏猶得眠忽然遭世變數  
歲親戎旃今來典斯郡山夷又紛然城小不屠

人貧傷可憐是以陷隣境此州獨見全使臣將  
王命豈不如賊焉今彼徵歛者迫之如火煎誰  
能絕人命以作時世賢思欲委符節引竿自刺

船將家就漁麥歸老江湖邊

寄秋明府博濟

梁公曾孫我姨弟不見十年官濟濟大賢之後  
 竟凌遲浩蕩古今同一體比看伯叔四十人有  
 才無命百察底今者兄弟一百人百秋四幾人  
 卓絕秉周禮在汝更用文章為長兄白眉復天  
 啓汝門請從曾公說曾公即大后當朝多巧計  
 狄公執政在末年濁河中不污清濟國嗣初將

付諸武公獨延諍守丹陛禁中冊決詔房陵前

朝長老皆流涕太宗社稷一朝正漢官威儀重

昭洗時危始識不世才誰謂荼苦甘如薺叙事亦衰

汝曹又宜裂上食身使門戶多旌祭胡為飄泊

岷漢間干謁王侯頗歷詆况乃山高水有波秋

風蕭蕭露泥泥虎之飢下巉岳蛟之橫出清泚

不成動盪早歸來黃汗人衣眼易眯洙曰狄仁

更自短澁公左傳魯秉周禮蜀志馬良兄弟五人並有才  
名鄉里為之諺曰馬氏五常白眉最良左傳天



將啓之按武后當朝華唐爲周廢中宗爲廬陵  
王迂干房州欲以武三思爲太子仁傑數諫后  
感悟即日迎中宗復唐社稷希曰裂土即裂地  
樂毅書裂地而封之趙曰唐制節度使就第賜  
旌節三品以上門立戟漢書注有衣之戟曰祭  
洙曰詆訐也漢息夫躬歷詆公卿大臣歐曰睽  
莫禮切莊子  
紕糠眯目

### 寄韓諫議註

今我不樂思岳陽身欲奮飛病在床美人娟娟  
隔秋水濯足洞庭望八荒鴻飛冥冥日月白青  
楓葉赤天雨霜玉京群帝集北斗或騎麒麟騎

鳳凰芙蓉旌旗煙霧樂影動倒景搖瀟湘星宮  
之君醉瓊漿羽人稀少不在傍似聞昨者赤松  
子恐是漢代韓張良昔隨劉氏定長安帷幄未  
改神慘傷國家成敗吾豈敢色難腥腐冷楓香  
周南留滯古莫借南極老人應壽昌美人胡爲  
隔秋水焉得置之貢玉堂

此篇多泐泮恍惚幾  
失韓注未竟不合○

師曰地里志岳州巴陵都在岳之陽故白岳陽  
有君山洞庭湖湘江之勝洙曰梁元帝纂要云  
日光曰景司馬相如賦貫列缺之倒景趙曰美  
辭仍羽人於丹丘洙曰漢張良其先韓人也高

祖曰運籌帷幄之中決勝千里之外子房功也  
良願棄人間事從赤松子遊乃學辟谷道引輕  
身呂后德其安太子乃強食之曰人生一世間  
如白駒過隙何至自苦如此乎良不得已強聽  
而食趙曰神山傳壺公數試費長房繼令噉園  
臭惡非常長房也難之洙曰史記太史公留滯  
周南春秋元帝苞云老人星治平則見見則主  
壽昌

### 寄岑嘉州

公自注州據蜀江  
外趙曰岑參也

不見故人十餘年不道故人無素書願逢顏色  
關塞遠豈意出守江城居外江三峽且相接斗  
酒新詩終自踈謝眺每篇堪諷誦馮唐已老聽

吹噓泊船秋夜經春草伏枕青楓限玉除眼前

所寄選何物贈子雲安雙鯉魚

洙曰宋謝眺字  
玄暉漢文帝問

馮唐曰父老何自為郎趙曰青楓謂楚地玉除  
謂京闕也鶴曰夔州雲安郡也洙曰古詩客從  
遠方來遺我雙鯉魚

### 魏將軍歌

將軍昔著從事衫

一語便奇

鐵馬馳突重兩銜被堅

執銳略西極崑崙月窟東嶺巖

好句

君門羽林

萬猛士惡若哮虎子所監五年起家列霜戟一

日過海收風帆平生流輩徒蠢蠢長安少年氣

欲盡魏侯骨聳精爽緊

此魏侯覆出似無謂

華嶽峰尖見

秋隼星纏寶校金盤陀夜騎天駟超天河撻搶

熒惑不敢動翠蕤雲旂相蕩摩吾為子起歌都

護酒闌挿劔肝膽露鈞陳蒼蒼風玄武萬歲千

秋奉明主臨江節士安足數

起伏音節壯麗甚偉○注謂子美自

稱節士此必不可者也洙曰被堅執銳見漢書  
嶽參差見相如士林賦鄭曰嶽仕咸切石高  
峻貌荆溪吳子良明輔云崑崙月窟在西而謂  
之東者蓋謂魏將軍略地至西方之極而回願

崑崙月窟却在東也洙曰君門羽林禁旅也漢  
有羽林軍趙曰隼鷲鳥也時可曰星纏寶校金

盤陀謂馬裝也顏延年赭白馬賦云其服金組  
兼飾丹腹寶校星纏縷章霞布洙曰天官漢書

中四星曰天駟撻搶妖星也熒惑火星也翠蕤  
雲旂皆旗也鄭曰撻初銜切搶楚耕切旂所交

切夢弼曰古樂府有丁都護歌樂錄云丁都護  
歌者彭城內史徐逵為魯執所殺宋高祖乃使

督護丁畔收殞之逵妻高祖長女也呼畔至閣  
下自問歛送之事每問輒嘆息曰丁都護其聲

哀切後人因其聲廣其曲馬趙曰鈞陳星名玄  
武闕名脩可曰臨江節士史失其名唯古樂府

載宋陸厥臨江王節上歌曰節士慷慨髮上衝  
冠弯弓掛弱水長劔竦雲端

# 秋峽

江濤萬古峽肺氣久衰翁不寐防巴虎全生狎

楚童

狎至樵豎目以目金

衣裳垂素髮門巷落丹楓常怪

商山老兼存翊贊功

非无能死忠者

日暮

牛羊下來久各已閉柴門風月自清夜江山非

故園

人人能言人人不能言與可惜歡娛地同耳

石泉流暗壁草露

滴秋根頭白燈明裏何須花燼繁

月

四更山吐月殘夜水明樓塵匣元開鏡風簾自

上鈞兔應疑鶴髮蟾亦戀貂裘斟酌姮娥寒天

寒柰九秋

曉望

白帝更聲盡陽臺曉色分高峯寒上日疊嶺宿

霾雲地圻江帆隱天清木葉聞

語至不可解則妙耳

荆扉

對麋鹿應共爾為群

別李秘書始興寺所居

不見秘書心若失及見秘書失心疾安為動主  
理信然我獨覺子神充實重聞西方止觀經老  
身古寺風冷冷妻兒待米且歸去他日杖藜來  
細聽磊落真率語短而陽○亦自本分蕭散有  
情賢於強知解者

九月一日過孟十二倉曹十四主簿兄弟

鶴曰按史是年九月吐蕃寇靈州邠州京  
師戒嚴

藜杖侵寒露蓬門啓曙煙力稀經樹歇老困撥

書眠語白秋覺追隨盡來因孝友偏清談見滋

味爾輩可忘年趙曰漢橋衛始弱冠孔融年四  
十為忘年交

### 過客相尋

窮老真無事江山已定居地幽忘盥櫛客至罷  
琴書挂壁移筐果呼兒間煮魚時聞繫舟楫及  
此問吾廬

孟倉曹步趾領酒醬二物蒲器見遺老夫

楚岸通秋屐胡床面夕畦藉糟分汁滓甕醬落  
提攜飯糲添香味朋來有醉泥理生那免俗方

法報山妻

洙曰劉伶酒德頌枕麴藉糟趙曰周禮醴齊注云醴猶舂也成而汁滓相

將夢弼曰司馬迂傳堯舜樛梁之食注音粹羨晏曰一斛粟春七斗米為飯醉如泥見漢周澤

傳師曰方法謂造酒醬之方法也

課小豎鉏斫舍北果林枝蔓荒穢淨訖移

床三首

病枕依茅棟荒鉏淨果林背堂資僻遠在野興

清深山雉防求敵江猿應獨吟洩雲高不去隱

几亦無心

資防應不持洩雲突尤甚○解不得

衆壑生寒早長林卷霧齊青蟲懸就日朱果落

封泥

亦聚前人所不到

薄俗防人面全身學馬蹄

馬蹄亦得

大吟詩坐迴首隨意葛巾低

自畫洩曰左傳子產曰人心不同如

其面焉趙曰莊子馬蹄可以踐霜雪毛可以禦風寒齧草飲水翹足而陸此馬之真性也

籬弱門何向沙虛岸只摧日斜魚更食客

字意宛轉

散鳥還來寒水光難定秋山響易哀天涯

幽趣宛密

稍曛黑倚杖更徘徊

溪上

峽內淹留客溪邊四五家古苔生迤地秋竹隱  
踈花塞俗人無井山田飯有沙西江使船至時

復問京華

鶴曰茗一作苔鄭  
曰迤側格切道也

中夜

中夜江山靜危樓望北辰長爲萬里客有愧百  
年身故國風雲氣高堂戰伐塵胡雛負恩澤嗟  
爾太平人

復愁十二首

人煙生處僻虎跡過新蹄野鷓翻窺草村船逆

上溪

釣艇收緝盡昏鴉接翅稀月生初學扇雲細不  
成衣

萬國尚防寇故園今若何昔歸相識少

今又  
可知早

已戰場多

身覺省郎在家須農事歸年深荒草徑老恐失

柴扉

此在此失  
自突自言

金絲鏤箭鏃阜尾掣旗竿一自風塵起猶嗟行

略難洙曰金絲箭阜尾旗皆胡服也

正觀銅牙弩開元錦獸張花門小箭好此物棄

沙場用夷變夏輕棄前輩○趙曰書若虞機張則所謂錦獸張者亦弩之物耳鶴曰漢書

申屠嘉以村官蹶張曰云村官之士多力能脚踏強弩張之故曰蹶張律有蹶張士師曰花門

也回紇

胡虜何曾盛于戈不肯休聞閻聽小子談笑覓

封侯鶴曰按唐史至德年間府庫無蓄積朝廷專以官爵賞功諸將出猛皆給空名告身

自開府特選列卿大將軍正至中郎郎將聽臨事注名及清渠之敗復以官爵收散卒凡應募入軍者一切衣金紫至有執士僮僕衣金紫稱大官而執賤役者

今日翔麟馬先宜駕鼓車無勞問河北諸將角

榮華夢符曰按唐志翔麟廐名洙曰漢文帝以千里馬駕鼓車

任轉江淮粟休苑囿兵由來貔虎士不滿鳳

凰城趙曰鳳凰城謂京兆

江上亦秋色火雲終不移巫山猶錦樹南國且

黃鸝



每恨陶彭澤無錢對菊花如今九日至自覺酒

須賒洙曰南史陶潛九日無酒出宅邊叢菊中坐久之逢刺史王弘送酒至即醉而歸

病減詩仍拙吟多意有餘莫看江拙老猶被賞

時魚謂江拙仕陳得賞晚酒在耳其意深悲○洙曰江拙字拙持在陳授尚書令陳破入

隋後復歸老江南師曰子美檢校工部朱紱銀魚故託江拙以自况也

### 搖落

搖落巫山暮寒江東北流煙塵多戰鼓風浪少

行舟驚賈義之墨貂餘季子裝長憶報明主卧

病復高秋洙曰晉士義之愛賦山陰道士養好賦因為寫道德經籠賦而歸趙口賦

國策蘇秦字季子游說秦王墨貂之裘弊

### 九日五首

重陽獨酌盃中酒抱病起登江上臺竹葉於人

既無分菊花從此不須開殊方日落玄猿哭舊

國霜前白鴈來弟妹蕭條各何往干戈衰謝兩

相催起一作豈洙曰張景陽上命乃有荆南馬程豫北竹葉竹葉酒名也鮑曰筆談載此

方有白鴈似鴈而小秋深乃來來則霜降北人謂之霜信

舊日重陽日傳盃不放盃即今蓬鬢改但媿菊

花開北闕心長戀西江首獨迴茱萸賜朝士難

得一枝來

洙曰唐志九日賜宴及茱萸

舊與蘇司業兼隨鄭廣文采花香泔泔坐客醉

紛紛野樹欹還倚秋砧醒却聞歡娛兩冥冥西

北有孤雲

故里樊川菊登高素漣源他時一笑後今日幾

人存巫峽蟠江路終南對國門繫舟身身與

枕淚雙痕為客栽烏帽從兒具綠樽佳辰對群

盜愁絕更堪論

鶴曰樊川以漢將軍樊噲食邑於此得名即杜陵之鄉漣亦為

長安人川漣所簡切夢弼曰終南長安之南山也洙曰沈休休文詩來命綠樽

風急天高猿嘯哀渚清沙白鳥飛迴無邊落木

蕭蕭下不盡長江滾滾來

句自雄陽 萬里悲秋常作

客百年多病獨登臺艱難苦恨繁霜鬢潦倒新

停濁酒盃

結復鄭重句句實乃不滿耳

### 季秋江村

喬木村墟古踈籬野蔓懸素琴將暇日白首望  
霜天登俎黃甘重支牀錦石圓遠游雖寂寞難

見此山川

季秋蘇五弟纓江樓何等語夜宴崔十三評

事韋少府姪三首

峽險江驚急樓高月迴明一時今夕會一時謂諸客然

合今夕言之則語病萬里故鄉情星落黃姑渚秋辭白帝

城老人因酒病堅坐看君傾夢弼曰十道志忠州有黃姑渚或謂

古樂府東飛伯勞西飛燕黃姑織女時相見黃姑即河鼓也乃俗聲之轉耳

明月生長好浮雲薄漸遮悠悠照邊塞悄悄憶

京華清動盃中物高隨海上查不眠瞻白兔百

過落烏紗洙曰陶潛詩大運苟如此且盡盃中物海上查注見前

對月那無酒登樓况有江秋踈曲折聽歌驚白

鬢笑舞拓秋窓樽蟻添相續樽蟻疊酒沙鷗並

一雙盡憐君醉倒更覺片心降洙曰茄名酒有泛齊浮蟻在上

泛泛

暮歸

霜黃碧梧白鶴棲城上擊折復烏啼客子入門

月皎皎誰家搗練風淒淒古樂府少及南渡桂水關

舟楫北歸秦川多鼓鞞年過半百不稱意明日

看雲還杖藜

送孟十二倉曹赴東京選鶴曰唐志太宗時以歲旱穀貴

通人選者集于洛州謂之東選

君行別老親此去苦家貧藻鏡留連客藻鏡亦拙江

山憔悴人憔悴字活道塗之歎流滯之感也秋風楚竹冷夜

鞏梅春朝夕高堂念應宜綵服新夢符曰晉書制曰藻鏡為意

衡尹曰唐舊史許子儒居選部不以藻鏡為意希曰夔屬楚地治州有鞏縣

馮孟倉曹將書覓土婁舊莊鶴曰土婁河南地名也

平居喪亂後不到洛陽岑為歷雲山問無辭荆

棘深北風黃葉下南浦白頭吟十載江湖客茫

茫遲暮心

耳聾

生年鷓冠子

謂出方尚武

歎世鹿皮翁眼復幾時暗

耳從前月聾

意其怨

猿鳴秋淚歎雀噪晚愁空黃

落驚山樹呼兒問朔風

不聞風聲惟見落葉○師曰鷓老男婦也其詞

死已一死乃止故趙武靈王以為冠以表武士

夢洞曰後漢輿服志鷓冠環纓无髮如双鷓尾

在左右五官虎賁羽林晉冠之黃曰楚人有隱居山中以鷓為冠因號鷓冠子出袁淑真隱傳

小園

由來巫峽水本自楚人家客病留因藥春深貢

為花

到句矯異

秋庭風落果灑岸雨頽沙問俗管笑

事將詩待物華

夜

絕岸風威動寒房燭影微嶺猿霜外宿江鳥夜

深飛獨坐親雄劍哀歌歎短衣煙塵繞閭闔白

首壯心違

夢弼曰漢社樂志往閭闔天門也

奉酬薛十二丈判官見贈

忽忽峽中睡

不知其何從來何所

悲風方一醒

西來有好鳥為我下青冥羽毛淨白雪條澹飛

雲汀既蒙主人顧舉翮啖孤亭連用六句引持

以比佳士及此慰揚舲清文動哀王見道發新

硯欲學鷓夷子待勒燕山銘誰重新郵劔致君

君未聽志在麒麟閣無心雲母屏卓氏近新寡

豪家朱門扁相如才調逸銀漢會雙星客來洗

粉黛日暮拾流螢此其用孟光車胤事以美新昏也隱約之甚○其人必新

娶不是無膏火勸郎勤六經老夫自汲澗野水

日泠泠我歎黑頭白君看銀印青銀印青以銀青期之也

卧病識山鬼為農知地形誰矜坐錦帳苦厭食

魚腥東南兩岸坵橫水注滄溟碧色忽惆悵風

雷搜百靈空中右白虎赤節引娉婷自云帝里

女嘆雨鳳凰翎襄王薄行跡莫學冷如丁千秋

一拭淚夢覺有微馨偶叙峽中勿及神女期前卓意又託丁鶴則猶前好

也鳥人生相感動金石兩青熒丈人但安坐休辨

渭與涇龍蛇尚格鬪洒血暗郊垌吾聞聰明主

治國用輕刑銷兵鑄農器今古歲方寧文王曰

儉德俊又始盈庭榮華貴少壯豈食楚江萍師曰

漢武故事上忽見一青鳥從西方集殿前東方朔曰此西王母欲來也公以薛有仙姿故以況

之高曰揚舲行舟也洙曰莊子屠牛坦刀刃若新發於硎范蠡既破吳乃浮江湖變名姓為鷗

夷子皮後漢竇憲擊匈奴大破之登燕然山刻石勒功紀漢威德班

西域都護并延壽陳湯斬郅支單曰漢鄭弘為大尉時舉第武倫為司空班次

朔朝見弘曲公自卑上遂聽置雲母屏風分隔其間如初遊臨邛臨邛之富人

卓氏有女文君新寡相如挑之文君夜奔相如漢百官志郎官給錦帳布曰本

石白虎書本石作右洙曰本一作帝季女文選我天女襄王夢神女遼東華表鶴言工

令威注並見前洙曰楚昭王渡江得一物大如斗圓而赤使使聘魯問於孔子孔子曰此

所謂萍實可剖而食之

### 送李八秘書赴杜相公幕

鶴曰按是年六月劔南節度杜

鴻漸自成都入朝

青簾白舫益州來巫峽秋濤天地迴石出倒聽

楓葉下檣搖昔指菊花開兩句皆自繫自然而險易天出極舟行之

妙貪趨相府今晨發恐失佳期後命催南極一

星朝北斗

南北朝北斗不必可解

五雲多處是三台

南極

一星謂李秘書比長安三台指杜相公

### 贈李八秘書別三十韻

補右扈蹕上元初反氣陵行在妖

星下直廬六龍瞻魏闕萬騎略姚墟玄朔回天

步神都憶帝車一戎終汗馬

一戎衣而天下大定

百姓免

為魚通籍蟠螭印差肩列鳳輿

從萬騎畧姚墟來不意至此然

籍地也少識謂此

事殊迎代邸喜異賞朱虛盜方歸

順乾坤欲晏如不才同補袞奉詔許牽裾鴛鴦

叨雲閣麒麟滯玉除文園多病後中散舊交疎

飄泊哀相見平生意有餘風煙巫峽遠臺榭楚

宮虛觸日非論故新文尚起予清秋凋碧柳別

浦落紅藥消息多旗幟經過歎里閭戰連脣齒

國軍急羽毛書幕府籌頻問山家藥正鋤

公自註秘

書比卧青城山中

台星入朝謁使節有吹噓西屬災長

弭南翁憤始據對敷抗士卒

抗士卒是極意下語

乾



沒費倉儲勢藉兵須用功無禮忽諸

無功而見禮者如此

急諸者驚也

御鞍金騾裏宮硯玉蟾蜍拜舞銀鈎落

亦不成語

思波錦帕舒此行非不濟良友昔相於去

掉依顏色公流想疾徐沉綿疲并白倚薄似樵

漁乞米煩佳客鈔詩聽小胥杜陵斜晚照滴水

帶寒於莫話清溪髮蕭蕭白映梳

夢弼曰上元初止謂改元

之初非年號姚墟古漢中舜生於姚墟玄朔回天少謂肅宗即位靈武神都憶帝車謂玄宗幸蜀未還洙曰漢書丞相陳平太尉周勃朱虛侯劉章既誅諸呂迎代王於代邸而立之是為文

帝文帝即位益封諸虛侯二千石黃金一千斤

夢弼曰朱虛侯乃高祖齊王之子李祕書亦宗

室也故以為比洙曰魏辛毗諫文帝帝不答起入內此隨而引其裾漢司馬相如有消渴疾後

為孝文園令晉嵇康拜中散大夫常與阮籍輩為竹林之遊左傳脣亡齒寒魏武奏事曰若有

急則掉羽於檄謂之羽檄漢張湯傳乾沒注云得利為乾失利為沒玉蟾蜍貯硯水之器也鄭

曰乞去既切鈔楚交切洙曰杜陵潯水公之故里也

奉送韋中丞之晉赴湖南

鶴曰韋之晉為衡州刺史

寵渥徵黃漸

不知別有黃否

權宜借寇頻湖南安背水

音水如依山

峽內憶行春王室仍多故蒼生倚大臣

還將徐孺榻處處待高人

洙曰漢黃霸為潁川太守治為天下第一

徽守京兆尹寇恂從光武南征至潁川盜賊悉降百姓遮道曰願從陛下復借寇君一年夢弼曰東方朔外傳郡守駟馬駕車一馬行春鶴曰峽內憶行春韋嘗守峽中郡徐孺榻注見前

### 聞惠子過東溪

惠子白驢瘦歸溪唯病身皇天無老眼空谷滯

斯人崖密松花熟山杯竹葉春柴門了生事黃

綺未稱臣

定功曰本草白蜜一名崖蜜蓋蜂作蜜於崖石間今云崖蜜松花熟又謂

採松花而成蜜也賓退錄孫觀仲益與曾慥端伯書論詩云東坡橄欖詩已輸崖蜜十分甜惠

洪以崖蜜為櫻桃又有俗子假東坡名注杜詩云金城土酥淨如練為蘆菹根者東坡地黃詩

云崖蜜助甘冷山姜發芳辛制地黃法當用姜與蜜而用櫻桃可乎黃師是守泗時以酥酒遺

東坡答詩云關右土酥黃似酒揚州雲液却如酥謂土酥為蘆菹根可乎

### 大覺高僧蘭若

公自注和尚去冬往湖南

巫山不見廬山遠松林蘭若秋風晚一老猶鳴

日暮鍾諸生尚乞齋時飯香爐峰色隱晴湖種

杏仙家近白榆飛錫去年啼邑子獻花何日許

門徒

趙曰廬山惠遠師也脩可曰蘭若者梵言阿蘭若唐言無諍因用以名寺若尔者切

夢弼曰乞去既切洙曰廬山記東南有香爐峰  
神仙傳董奉居廬山治病重者種杏五株輕者  
一株號董仙杏林趙曰近白榆言其所居之高  
近乎星辰也古詩天上何所有歷歷種白榆趙  
曰飛錫謂和尚去冬往湖南見自注邑子謂同  
邑之子也希曰漢尹翁歸傳于定國欲屬託邑  
子兩人夢弼曰門徒謂從遊諸弟子也未和  
尚歸在何日諸弟子當脩供養以待之也

集千家註批點杜工部詩集卷之十七

集千家註批點杜工部詩集卷之十八

自灤西荆扉且移居東屯茅屋四首

大曆二年

夔州作鶴曰是年秋公自灤西又移居東屯又按史九月吐蕃入寇京師戒嚴

白盭危嶠功赤甲古城東平地一川穩高山四

面同烟霜淒野日秔稻熟天風人事傷蓬轉吾

將守桂叢

洙曰淮南王招隱士賦桂樹叢生兮上之幽

東屯復灤西一種住青溪來往兼茅屋淹留爲

稻畦市喧宜近利

公自註西居近市易巽爲近利市三倍左氏傳晏子對景

公語林僻此無蹊若訪衰翁語須令賸客迷賸必勝也

字誤 ○ 夢弼曰賸實正切陸機詩遊賞愧賸客

道北馮都使高齋見一川子能渠細石吾亦沼

清泉枕帶還相似柴荆即有馬此馬字不知是他無後押是他

怪後斫畬應費日解纜不知年夢符曰畬音除燒榛種田也劉

押夢得竹枝歌云長刀短笠去燒畬

牢落西江外參差北戶間久遊巴子國卧病楚

入山幽獨移佳境清深隔遠關寒空見鴛鴦迴

### 首想朝班

簡吳郎司法

鶴曰公時移居東屯以讓西草堂借吳司法居之

有客乘舸自忠州遣騎安置讓西頭古堂本買

藉踈豁借汝遷居停宴遊雲石熒熒高葉曉風

江颯颯亂帆秋却為姻婭過逢地許坐曾軒數

散愁

又呈吳郎

堂前撲棗任西鄰無食無兒一婦人不為困窮

寧有此祗緣恐懼轉須親即防遠客雖多事使  
掉踈籬却甚真已訴徵求貧到骨正思戎馬淚

盈巾

此兩簡語甚媿箋解  
詩皆若此實誤後人

題柏大兄弟山居屋壁二首

鶴曰當是柏  
貞節之子姪

叔父朱門貴郎君玉樹高山居精典籍文雅涉

風騷江漢終吾老雲林得爾曹哀絃繞白雪未

與俗人操

希曰古稱貴人之子及嘗事其父者  
曰郎君尹曰禮記絲聲哀夢符曰宋

玉對楚襄王曰客有歌郢中者為陽春白雪屬  
而和數十人而已

野屋流寒水山籬帶白雲靜應連虎穴喧已去

人群筆架露窻雨書箋映隙曛蕭蕭千里馬箇

箇五花文

喻其  
兄弟

覃山人隱居

南極老人自有星北山移文誰勒銘徵君已去

獨松菊哀壑無光留戶庭予見亂離不得已子

知出處必須經高車駟馬帶傾覆

此隱居似在  
大路傍故云

悵望秋天虛翠屏

洙曰齊周顯隱鐘山後出為  
海蓋今欲過此山孔稚珪假

山神作文以却之曰北山移文夢弼曰漢魏以來起隱士名之曰徵君

柏學士茅屋

碧山學士焚銀魚白馬却走身岩居古人已用  
三冬足年少今開萬卷餘晴雲蒲戶團傾蓋秋  
水浮階溜決渠富貴必從勤苦得男兒須讀五

車書

洙曰東方朔傳三冬文史足用家語孔子  
遇程子於途傾蓋而語莊子惠施多方其

車書五

東屯月夜

抱疾漂萍老防邊舊穀屯春農親異俗歲月在  
衡門青女霜楓重黃牛峽水喧泥留虎闢跡  
桂客愁村喬木澄稀影輕雲倚細根數驚聞雀  
噪暫睡想猿蹲日轉東方白風來北斗昏天寒  
不成寐無夢倚歸窻

東屯北嶮

夢弼曰嶮衣  
險切與嶮同

盜賊浮生困誅求異俗貧空村唯見鳥落日未  
逢人上句只是此步壑風吹面看松露滴身遠

山回白首戰地有黃塵

夜二首

白夜月休弦燈花半委眠號山無定鹿落樹有  
驚蟬暫憶江東鱠兼懷雪下船蠻歌犯星夜重  
覺在天邊

城郭悲笳暮村墟過翼稀甲兵年數久賦歛夜

深歸

此歲晏輸并稅江村人夜歸不惟少省情事不同

暗樹依巖落明

河繞塞微斗斜人更望月細鵲休飛

茅屋檢校收稻二首

香稻三秋末平田百頃間喜無多屋宇幸不礙

雲山御袂侵寒氣嘗新破旅顏紅鮮終日有玉

粒未吾慳

鄭曰袂古洽切後衣也

稻米炊能白秋葵煮復新誰云滑易飽老藉軟

俱勻種幸房州熟苗同伊闕春無勞映渠益自

有色如銀

鄭曰唐志房州與夔同屬山南道伊闕河南府縣名黃曰魏文帝有車渠

益賦又梁六種蠶五名曰珍逾渠益

秋野五首

秋野日疏蕪寒江動碧虛繫舟蠻井絡

此井絡亦用變

了卜宅楚村墟棗熟從人打葵荒欲自鋤盤殮

老夫食分減及溪魚

○小事誰不能道能道者少

山之精上為井絡注岷山為東井星絡之維

易識浮生理難教一物違水深魚極樂林茂鳥

知歸吾老甘貧病榮華有是非秋風吹几杖不

厭元山微

禮樂攻吾短

謙厚典刑藹然

山林隱興長掉頭紗帽側

曝背竹書光

有典有則有興有情

風落收松子天寒割蜜

房

幽事楚楚然不寒儉與養雛成鶴切寵十果遠矣

稀疎小紅翠駐履

近微香

清遠閑麗少見首尾如此可愛○趙曰竹書謂竹簡書也

遠岸秋沙白連山晚照紅潛鱗輸駭浪歸翼會

高風

輸不

砧響家家發樵聲箇箇同飛霜任青

女賜被隔南宮

洙曰後漢樂崧直南宮家貧無破帝聞而嘉之詔入官賜尚書

即已不食并給帷被



身許麒麟畫重矜年衰鴛鴦群大江秋易盛空峽

夜多聞索意非不小苦而氣逕隱千重石帆留

一片雲兒童解蠻語不必作參軍洙曰晉郝隆為南蠻參軍

二巳日作詩曰姬隅濯清池桓温問何物答曰名魚為姬隅温曰何為作蠻語隆曰千里投公

始得蛮府那得不蛮語也

### 傷秋

林僻來人少山長去鳥微高秋收盡扇又客掩

柴扉懶慢頭時擲艱難帶減圍將軍思汗馬天

子尚戎衣白蔣風颭脆殷攄曉夜稀何年減對

虎似有故園歸洙曰白蔣茭草也殷攄柳也鄭曰殷鳥閑切赤黑色攄丑成功

### 雨

山雨不作泥江雲薄為霧晴飛半嶺鶴風亂平

沙樹明滅洲景微隱見巖姿露拍悶出門遊曠

絕經目趣消中日伏枕卧又塵及屨豈無平肩

輿莫辨望鄉路兵戈浩未息蛇虺反相顧悠悠

邊月破鬱鬱流年度針灸阻朋曹糠粃對童孺

一命頃屈色新知漸成故窮荒益自卑飄泊欲

誰訴疋羸愁應接俄頃恐違迂浮俗何萬端幽

人有高步龐公竟獨往尚子終罕遇宿留洞庭

秋天寒瀟湘素杖策可入舟送此齒髮暮

夢弼曰消

中謂渴疾也糠粒非精米也粒胡骨切一命小官也洙曰後漢龐德公尚子平俱見逸民傳趙

曰宿留音秀溜出漢書謂有所須待也

### 秋清

高秋蘇肺氣白髮自能梳藥餌憎加減門庭悶

掃除杖藜還客拜愛竹遣兒書十月江平穩輕

舟進所如

### 瞿唐兩崖

三峽傳何處雙崖壯此門入天猶石色穿水忽

雲根

雲根自佳用得縹緲如畫

孫獲鬚髯古蛟龍窟宅尊義

和冬馭近愁畏日車翻

謂時事○夢弼曰孫乃高切獲厥縛切尔雅孫

善援獲善顏趙曰淮南子注日乘車駕以六龍義和為馭

### 瞑

日下四山陰山庭嵐氣侵牛羊歸徑險鳥雀聚  
枝深正梳當星劍收書動玉琴半扉開燭影欲  
掩見清砧殊曰星劍劍上有星文也玉琴以玉為琴徽也

雲

龍以瞿唐會江依白帝深終年常起峽每夜必  
通林收穫辭霜渚分明在夕岑高齋非一處秀

氣豁煩襟

若無題字實自難音

晨雨

小雨晨光內初來葉上聞霧交纒灑地風逆旋  
隨雲暫起柴荆色輕露鳥獸群麝香山一半亭

午未全分

夢弼曰夔州圖經麝香山在州之東南

天池

鶴曰天池在夔州

天池馬不到嵐壁鳥繞通百頃青雲杪層波白  
石中鬱紆騰秀氣蕭瑟浸寒空直對巫山出兼  
疑夏禹功魚龍開闢有菱芡古今同聞道奔雷  
黑初香浴水紅飄零神女雨斷續楚王風欲問

支機石如臨獻寶宮九秋驚鴈序萬里狎魚翁

更是無人處誅勞任薄躬誅勞亦不成語○洙曰荆楚歲時紀載張騫乘

禮至天河織女措機石穆天子傳天子西征至陽紆山河伯馮夷之所居天子沉璧禮焉河伯

乃與天子拔圍視典以觀天下寶器

### 印事

天畔群山孤草亭江中風浪雨冥冥一雙白魚

下之釣三寸黃甘猶自青多病馬卿無日起窮

後既暗我將醒未聞細柳散金甲賜斷秦州流

濁溼洙曰漢書文帝時匈奴大入邊周亞夫為將軍軍細柳注細柳在長安皂明池南

### 獨坐二首

竟日雨冥冥雙崖洗更青水花寒落岸山鳥暮

過庭煖老須燕玉充饑憶楚萍避俗胡笳在樓上

哀怨不堪聽布曰雙崖謂瞿唐兩崖也趙曰古詩云燕趙多佳人美者顏如玉待

燕玉而援則孟子所謂七十非人不煖也楚萍注見前卷

白狗斜臨北黃牛更在東峽雲常照夜江日會

兼風曬藥安垂老五字有味應門試小童開趣有商畧亦

知行不逮苦恨耳多聾

白狗黃牛  
並峽名

### 雨四首

微雨不滑道斷雲踈復行紫崖奔處黑白鳥去

邊明

輕清  
道盡

秋日新霑影寒江舊落聲柴扉臨野

碓半濕搗香杭

江雨舊無時天晴忽散絲暮秋霑物冷今日過

雲邊上馬迴林出看鷗坐不辭高軒當灑瀕潤

色靜書幃

物色歲將晏天隅人未歸朔風鳴淅淅寒雨下

霏霏多病又加飯衰容新授衣時危覺凋喪故

舊短書稀

楚雨石苔滋京華消息遲山寒青兕叫江晚白

鷗飢神女花鈿落鮫人織杼悲繁憂不自整終

日灑如絲

精意○洙曰神女  
鮫人注見前

### 反照

反照開巫峽寒空半有無巴低魚復暗不盡白

鹽孤荻岸如秋水松門似畫圖牛羊識童僕既

夕應傳呼

希曰魚復浦白鹽山也  
深曰松門亦地名

### 向夕

畎畝孤城外江村亂水中深山催短景喬木易

高風

境意靜

鶴下雲汀近雞栖草屋同琴書散明

燭長夜始堪終

大曆二年九月三十日

為客無時了悲秋向夕終瘴餘夔子國霜薄楚

王宮草敵虛嵐翠花禁冷藥紅年年小搖落不

與故園同

十月一日

大曆二年冬夔州作鶴曰按是年秋吐蕃入寇京師戒嚴

有瘴非全歇為冬亦不難夜郎溪日暖白帝峽

風寒蒸裹如千室焦糖辛一棹茲辰南國重舊

俗自相歡

殊曰夜郎西南夷也捷為有郎溪蒸裹焦糖夔俗之節物也棹與盤同

### 戲作俳諧體遣悶二首

異俗吁可怪斯人難並居家家養烏鬼

養字去聲最怪

决無用養字代供字之理且烏蠻鬼稱烏鬼亦  
可乎鸚鵡自是不必謂黃魚為所捕自不相悖

頓頓食黃魚舊識難為態新知已暗疎熟漸厭

未能遷舍其形容世態深得治生且耕鑿只有

不關渠人謂鸚鵡為烏鬼以繩繫其頸使之捕

魚得魚則倒提出之茗溪胡仔曰余觀諸公詩  
話烏鬼之語有四曰鸚鵡口猪曰烏野神曰烏

蠻鬼其曰鸚鵡者見沈存中筆談其曰猪見漫  
叟詩話云川人每呼猪則作烏鬼声故号猪為

烏鬼其曰烏野神者見蔡寬夫詩話引元微之  
江陵詩云病賽烏称鬼巫占瓦代龜則字養讀

為供養之養其曰烏蠻鬼者見冷齋夜話云川  
峽路氏多供事烏查鬼以臨江故頓頓食黃魚

耳俗人不解便作養畜字讀余嘗細考其說沈  
以為鸚鵡者是也鮑曰尔雅注鱸魚中黃而大

者長二三丈江東  
人呼為黃魚

西歷青羌坂南留白帝城於菟侵客恨拒救作

人情蒸累如千室尚有少意謂送者縱橫瓦卜

傳神語會田費火聲是非何處定高枕笑浮生

公自注頃嶽自秦涉隴從同谷縣出遊蜀留滯  
於巫巫山也○語自可策無上干涉○鄭曰水

經注江水徑巫峽過青羌坂洙曰左傳楚人謂  
虎於菟蒼舒曰宋玉招菟拒救蜜耳有張鎰注

云拒救以蜜和來麵煎作之拒奇舉切救音汝  
夢符曰元微之詩病賽烏称鬼巫占瓦代龜注

云南人寮病競賽烏鬼楚巫列肆悉賣瓦卜又  
神罷中西京壽安縣墨石山神祠頗靈前有兩  
瓦子過客投之以卜休咎仰為吉覆為凶洙曰  
声一作耕史記火耕水耨畬田注見前

後驛次草堂復至東屯二首

鶴曰按是年秋公自東屯

又歸灤西此復至東屯蓋冬初也

峽裏歸田客江邊借馬騎非尋戴安道似向習

家池

姑存備体

山險風煙合天寒橘柚垂築場看歛

積一學楚人為

短景難高卧衰年強此身山家蒸栗暖野飯射

麋新世路知交薄門庭畏客頻牧童斯在眼田

父實為鄰

暫往白帝復還東屯

復作歸田去猶殘穫稻功築場憐穴蟻拾穗許

村童落杵光輝白除芒子粒紅加冷可扶老倉

廩慰飄蓬

刈稻了詠懷

稻穫空雲水川平對石門寒風踈草木旭日散



雞豚野哭初聞戰  
旒歌稍出村無家  
問消息作

客信乾坤

初聞其戰後見野哭而已五字悲甚稍字尤蕭索可憐結意沉著非註之

悠悠者

柳司馬至

有客歸三峽相過問兩京  
函關猶自將渭水更

屯兵設備邠鄆道和親  
邏些城幽燕唯鳥去商

洛少人行衰謝身何補  
蕭條病轉嬰霜天到宮

闕

此謂霜天寒迴直到宮闕

戀主寸心明

夢弼曰唐志惠州有邠鄆道脩可曰

邏些吐蕃都城名也按姑蘇及蜀本杜詩作邏少惟歐陽文忠公本作邏些當是從舊史為正

鄭曰邏功左切些四箇切

自平

自平宮中呂大一收珠南海千餘日  
近供生犀

翡翠稀復恐征戍干戈密  
蠻溪豪族小動搖世

封刺史非時朝蓬萊殿裏  
諸主將才如伏波不

得驕

東坡志林杜子美云自平宮中呂大一世莫曉其義而妄者至以為唐時有自平宮

偶讀玄宗實錄有宮中呂大一叛於嶺南杜詩蓋云自平宮中呂大一故下有南海收珠之句

見書不廣而以意改文字鮮不為人所笑也鶴  
曰按舊史廣德元年冬宦官廣州市舶使呂大  
一遂刺史張休而反又按唐志嶺南道厥貢金  
銀孔雀犀象洙曰時溪洞蠻酋歸順者皆是按  
刺史師曰漢馬  
援為伏波將軍

### 久雨期王將軍不至

天雨蕭蕭滯茅屋空山無以慰幽獨  
銳頭將軍來何遲令我心中苦不足數看黃霧亂玄雲時  
聽嚴風折喬木泉源泠泠雜猿狖泥濘漠漠飢  
鴻鵠歲暮窮陰耿未已人生會面難再得憶爾

腰下鐵絲箭射殺林中雪色鹿前者坐皮因問  
毛知子歷險人馬勞異獸如飛星宿落應弦不  
礙蒼山高安得突騎只五千萃然眉骨皆爾曹  
走平亂世相催促一豁明主正鬱陶憶昔范增

碎三斗來使吳兵著白袍昏昏闇闇閉氛祲十

月荆南雷怒號

洙曰漢高祖見項羽於鴻門行趨霸上留張良以玉斗獻范增

增拔劍撞而碎之夢弼曰南史侯景令東吳貞盡着白袍自為營陣趙曰闇闇吳門名也

### 虎牙行

公自注虎牙灘名也蕭銑借江陵日屯兵于此後常為屯戍之地

秋風歛吸吹南國天地慘慘無顏色洞庭揚波

江漢迴虎牙銅鈺皆傾側巫峽陰岑朔漠氣峰

蠻宵窺溪谷黑杜鵑不來猿狖寒山鬼幽憂雪

霜逼楚老長差憶炎瘴三尺角弓兩斛力謂秋風筋

也壁立石城橫塞起金錯旌竿滿雲直漁陽突

騎獵青丘大戎鎖甲聞舟楫八荒十年防盜賊

征戍誅求寡妻哭遠客中宵淚霑臆亦是捏合不甚稱初

意○洙曰銅鈺灘名在培陵青丘內地屬洛陽  
鶴曰聞本一作圍八荒十年防盜賊上疑有脫句

### 寫懷二首

勞生共乾坤何處異風俗冉冉自趨競行行見

羈束無貴賤不悲無富貧亦足萬古一骸骨鄰

家遞歌哭鄙夫到巫峽三歲如轉燭全命甘留

滯忘情任榮辱朝班及暮齒日給還脫粟編蓬

石城東采藥山北谷用心霜雪間不必條蔓綠

非關故安排曾是順幽獨達士如弦直小人似

鈞曲曲直吾不知負暄候樵牧寫得甚恨○趙  
曰朝班公自叙

掌為朝官也鶴曰按虎牙行云壁立石城橫塞  
起觀舞劔器行云瞿唐石城草蕭瑟則石城乃  
夔州地名也洙曰謝靈運詩居常以待終處順  
故安排後漢童謠云直如弦死道邊曲如鈎封  
侯公

夜深坐南軒明月照我膝驚風翻河漢梁棟已  
出日群生各一宿飛動自儔匹吾亦驅其兒營  
營為私實天寒行旅稀歲暮日月疾榮名忽中  
人世亂如蟻蝨古者三皇前滿腹志願畢胡為  
有結繩陷此膠與漆禍首燧人氏厲階董狐筆

君看燈燭張轉使飛蛾密放神八極外俛仰俱

蕭瑟終契如往還得匪合仙術

洙曰宋玉九辯薄寒之中竹仰

切夢弼曰燧人氏始鑽木取火炮生為熟董狐古之良史也書法不隱洙曰燧人火化而爭欲之心生董狐直筆而是非之端起故以為禍首厲階也終契如往還一作終然契如真

觀公孫大娘弟子舞劔器行

并序

大曆二年十月十九日夔州別駕元特宅見  
臨穎李十二娘舞劔器壯其蔚跂問其所師  
曰余公孫大娘弟子也開元三載余尚童稚

記於郾城觀公孫氏舞劔器渾脫瀏灑頓挫  
獨出冠時自高頭宜春梨園二伎坊內人洎  
外供奉曉是舞者聖文神武皇帝初公孫一  
人而已玉貌繡衣况余白首今茲弟子亦匪  
盛顏既辨其由来知波瀾莫二撫事慷慨聊  
爲劔器行昔者吳人張旭善草書書帖數常  
於鄴縣見公孫大娘舞西河劔器自此草書  
長進豪蕩感激即公孫可知矣

子美以詩爲  
散語故意多

詰從此序引張顛草書隱映頗達情態非公  
不聞此妙

昔有佳人公孫氏一舞劔器動四方觀者如山

色沮喪天地爲之久低昂燿如羿射九日落矯

如羣帝驂龍翔來如雷霆收震怒罷如江海凝

清光

名狀得意○收字謂其猶隱隱有聲也絳  
但舞一劔若謂其如雷如霆則非矣

層珠袖兩寂寞晚有弟子傳芬芳臨穎美人在

白帝妙舞此曲神揚揚與余問答既有以感時

撫事增惋傷先帝侍女八千人公孫劔氣初第

一五十年間似反掌風塵頃洞昏王室梨園第

子散如烟女樂餘姿映寒日金粟堆南木已拱

瞿唐石城草蕭瑟玳筵急管曲復終樂極哀來

月東出老夫不知其所往足瀾荒山轉愁疾濃至

慘黯如野笛中斷聞者猶不堪也○鄭曰燿音

鳴灼也洙曰淮南子堯時十日並出堯令羿射

中九日日鳥皆死墮其羽翼夢弼曰臨頴縣屬

許州洙曰唐紀玄宗親拜五陵至睿宗橋陵見

金粟山岡有龍盤鳳翥之勢謂侍臣曰吾千秋

萬歲後宜葬此左傳爾墓之木拱矣趙曰足瀾

足眠如瀾也

有歎公自注傳蜀官軍自園普遂

壯心又零落白首寄人間天下兵常鬪江東客

未還自蜀歸皆窮猿號雨雪老馬望關山武德

開元際蒼生豈重攀洙曰武德高祖年號開元

寒雨朝行視園樹

柴門擁樹向千株丹橘黃甘此地無江上今朝

雲雨歇籬中秀色盡屏紆挑溪李徑年雖故柀

子紅椒艷色殊鏤石藤梢元自落倚天松骨見

來枯林香出實垂將盡葉蒂辭枝不重絲愛  
日恩光蒙借貸清霜殺氣得憂虞衰顏動瓦藜  
牀坐緩步仍須竹杖扶散騎未知雲閣處啼猿  
僻在楚山隅洙曰晉番岳興賦余以太尉祿高直于散騎之省高閣連雲陽景罕  
懼夙興晏寢匪遑底寧於是既然而賦

### 白鳧竹

君不見黃鵠高於五尺童化為白鳧似老翁鮪謠  
故畦遺穗已蕩盡天寒歲暮波濤中鱗介腥膻

素不食終日忍饑西復東魯門鷄鵠亦蹭蹬聞

道如今猶避風

夔憐弦最是想意○夢弼曰同語海鳥鷄鵠止於魯東門外展

禽曰今茲海其有災乎大廣川之鳥獸常知避其災是歲海多大風

### 冬至

年年至日長為客忽忽窮愁泥殺人江上形容

吾獨老天涯風俗自相親杖藜雪後臨丹壑鳴

玉朝來散紫宸心折此時無一寸路迷何處見

三秦

洙曰漢書項羽三分關中王秦三降將章邯為雍王都廢丘司馬欣為塞王都櫟陽

董翳為翟王都  
高奴故曰三秦

舍弟觀赴藍田取妻子到江陵喜寄三首

汝迎妻子達荆州消息真傳解我憂鴻鴈影來

連峽內鵲鶴飛急到沙頭峽關險路今虛遠禹

鑿寒江正穩流朱紱即當隨綠鷁青春不假報

黃牛

雞解希曰沙頭亦地名在江陵脩可曰漢書曉關注在洛此藍田之南今以觀赴藍

田故云洙曰郭璞江賦巴東之峽夏后疏鑿

馬度秦山雲正深北來肌骨苦寒侵他鄉就我

生春色故國移居見客心

反覆釵致不遺

歡劇提攜如

意舞喜多行坐白頭吟巡簷索共梅花笑冷藥

踈枝半不禁

洙曰歡劇一作剩欲王戒好作如意舞文君作白頭吟

庾信

羅含俱有宅春來秋去作誰家短牆若在從殘

草喬木如存可假花

此若在如存皆書札語

卜築應同蔣

謂徑為園須似邵平瓜比年病酒開涓滴

甚弟

勸兄酬何怨嗟

黃曰庾信因侯景之亂自建康適歸江陵居宋玉故宅今在城

北三里羅含為桓温別駕以廨舍喧擾於江陵城西三里小洲上立茅屋而居洙曰三輔夫錄



蔣詡舍中竹下開三徑推羊仲求仲從之遊漢書邵平故秦東陵侯貧種瓜長安城東

### 別李義

神堯十八子十七王其門道國泊舒國實惟親  
弟昆中外貴賤殊余亦忝諸孫丈人嗣王業之  
子白玉温道國繼德業請從丈人論丈人領宗  
卿肅穆古制敦先朝納諫諍直氣橫乾坤子建  
文章壯河間經術存温克富詩禮骨清慮不喧  
洗然遇知己談論淮湖奔憶昔初見時小襦繡

芳蓀長成忽會面慰我父疾魂三峽春冬交江  
山雲霧昏正宜且聚集恨此當離樽莫怪執盃  
遲我衰涕唾煩重問子何之西上岷江源願子  
少干謁蜀都足戎軒誤失將帥意不如親故恩  
少年早歸來梅花已飛翻努力慎風水豈惟數  
盤飧猛虎卧在岸蛟螭出無痕王子自愛惜老  
夫困石根生別苦所嗟發聲為爾吞

鮑曰高祖二十子

道王元慶舒王元名衛懷王女霸楚哀王智雲  
先夢太子建成巢王元吉以事誅詒除籍故此

止言十八子而太宗有天下十七子封王也趙  
曰中外貴賤殊余亦忝諸孫詳詩意李義當是  
道國之裔孫而公則舒國後裔之外孫也文人  
又指李義之父掌為宗正卿馬曰古制敦謂敦  
後宗族也洙曰曹植字子建魏文帝弟也河間  
獻王德漢景帝子也趙曰賈誼過秦論寒者利  
短褐注云  
小襦也

### 送高司直尋封閬州

丹雀銜書來暮樓何鄉樹驂騮事天子辛苦在  
道路司直非冗官荒山甚無趣借問泛舟人胡  
為入雲霧與子姻婭間既親亦有故萬里長江

邊遊遊一相遇長卿消渴病公幹沉綿屢清談  
慰老夫開卷得佳句時見文章士欣然淡情素  
伏枕聞別離疇能忍漂寓良會苦短促溪行水  
奔注熊羆咆空林游子慎馳騫西謁巴中侯艱  
險如跬步主人不世才先帝常特顧拔為天軍  
佐崇大王法度淮海生清風南翁尚思慕公宮  
造廣厦木石乃無數初聞伐松栢猶卧天一柱  
我病書不成成字讀亦誤為我問故人勞心練

狂戍

趙曰尚書中侯曰赤雀丹書入豐止于昌前昌拜稽首受之列子周穆王駕八駿之

乘右服駢驅馳千里鶴曰同直大理寺官也

珠曰漢司馬長卿病渴魏劉公幹詩余嬰沉痾疾竄身清漳濱巴中指閬州主人謂巴中侯也

希曰漢天文志有羽林天軍唐兵志則有天武

健兒神武天騎其以此為大軍耶趙曰言淮海則必靠官於揚州等處也希曰南翁即如項羽

傳所謂南公也趙曰左傳構其公宮猶卧天一柱則因以美封閬州也神異經崑崙有銅柱其

錦樹行題曰錦樹使人刮目

今日苦短昨日休歲云暮矣增離憂霜凋碧樹

作錦樹萬壑東逝無停留荒成之城石色古東

郭老人住青丘飛書白帝營斗粟琴瑟几杖柴

門憂青草萋萋盡枯死天驥跛足隨蹇牛自古

聖賢多薄命姦雄惡少封公侯故國三年一消

息終南渭水寒悠悠五陵豪貴反顛倒鄉里小

兒狐白裘生男墮地要膂力生女富貴傾邦國

莫愁父母少黃金天下風塵兒亦得夔後語言多亂雜有

適當然者當通前後看○夢弼曰青丘亦地名而非內地屬洛陽者趙曰蹇牛蠻中牛也鄭曰

登陵之切又莫衰切  
生女本又作一生

### 白帝城樓

江渡寒山閣城高絕塞樓翠屏宜晚對白谷會  
深遊急急能鳴鴈輕輕不下鷗夷陵春色起漸  
擬放扁舟夢弼曰夷陵峽州也

### 夜宿西閣曉呈元二十一曹長

城暗更籌急樓高雨雪微稍通綃幕霽遠帶玉  
繩稀門鵲晨光起檣烏宿處非寒江流甚細有

### 意待人歸

趙曰綃練也謂天霽之色薄如綃練  
曰玉繩星名謝玄暉詩玉繩低建章

希曰檣烏謂船檣上刻  
為鳥形以占風也

### 西開口號呈元二十一

山木抱雲稠寒空繞上頭雲崖纔變石風慢不  
依樓社稷堪流涕安危在運籌看君話王室感  
動幾銷憂

### 寄從孫崇簡

嵯峨白帝城東西南有龍湫白虎溪起亦吾孫

騎曹不記馬業學居鄉多養雞龐公隱時盡室  
去武陵春樹他人迷與汝林居未相失近身藥  
裏酒長攜牧叟樵童亦無賴莫令斬斷青雲梯  
好○脩可曰出說王子猷為桓冲騎曹參軍桓  
問曰卿署何曹答曰不知何曹時見牽馬來似  
是馬曹又問所管幾馬曰不知馬何由知數又  
問馬此死多少曰未知生馬知死劉向列仙傳  
祝雞翁洛人也居尸鄉比山下養雞千餘頭皆  
有名字

奉送卿二翁統節度鎮軍還江陵

鶴曰卿二翁姓

崔乃公男氏

火旗還錦纜白馬出江城嘹唳吟笳發蕭條別  
浦清寒空巫峽曙落日渭陽情留滯嗟衰疾何

時見息兵趙曰火旗朱旗也

### 白帝樓

漠漠虛無裏連連睥睨侵樓光去日遠峽影入

江深臘破思端綺春歸待一金

春歸待一金可念臘破思端綺

非工部全集熟能此語堪解乎去年梅柳意還欲攪邊心趙曰睥睨  
城上女牆也洙曰古詩客從遠方來遺我一端綺

夜歸

夜來歸來衝虎過

非癡非狂語

山黑家中已眠卧傍

見北斗向江低仰看明星當空大庭前把燭嘆

兩炬峽口驚猿聞一箇白頭老罷舞復歌杖藜

不睡誰能那

夜聞簫策

師曰樂部曰簫策者茄管也卷蘆葉為頭截竹為管出於胡地

唐編入鹵簿名為茄管通典曰簫策木名悲慄出於胡中其聲悲東夷有卷桃皮為

之者桃皮吹

夜聞簫策滄江上衰年側耳情所嚮鄰舟一聽

多感傷塞曲三更歛悲壯積雪飛霜此夜寒孤

燈急管復風湍君知天地干戈滿不見江湖行

路難

君知干戈如此則不復恨行路矣○實歷唱然

前苦寒行二首

漢時長安雪一丈牛馬毛寒縮如蝟楚江巫峽

冰入懷虎豹哀號又堪記秦城老翁荆揚客慣

習炎蒸歲締綌玄冥祝融氣或交手持白羽未

敢釋

脩可曰西京記漢元封中大雪深一丈野中鳥獸皆死牛馬卷縮如蝟洙曰者翁公

自稱也趙曰白羽扇也

去年白帝雪在山今年白帝雪在地凍埋蛟龍

南浦縮寒刮肌膚北風利楚人四時皆麻衣楚

天萬里無晶輝三足之鳥足恐斷羲和迭送將

安歸

趙曰淮南子日中有跋鳥注云跋趾也謂三足鳥也

晚晴

高唐暮冬雪壯哉舊瘴無復似塵埃崖沉谷沒

白皚皚江石缺裂青楓摧南天三句苦霧開赤

日照耀從西來六龍寒急光徘徊照我衰顏忽

落地口雖吟詠心中哀未怪及時少年子揚眉

結義黃金臺汨平吾生何飄零支離委絕同死

灰

意甚悲語甚濫

復陰

方冬合沓玄陰塞昨日晚晴今日黑萬里飛蓬

映天過孤城樹羽揚風直江濤簸岸黃沙走雲

雪埋山蒼兕吼君不見夔子之國杜陵翁牙齒  
半落左耳聾

後苦寒行二首

南紀巫廬瘴不絕太古以來無尺雪蠻夷長老  
怨苦寒崑崙天關凍應折玄猿口噤不能嘯白

鵠翅垂眼流血安得春泥補地裂

夢弼曰詩南國之紀巫廬

二山也崑崙山為天柱崆峒山為天關

晚來江間失大木猛風中夜飛白屋天兵斬斷

青海戎殺氣南行動神軸不爾苦寒何大酷巴

東之峽生凌漸彼蒼迴幹人得知

兩首兩樣作者自然○洙

日本一作江門鶴曰青海戎指吐蕃也

元日示宗武

大曆三年夔州至江陵府作山谷云予謫居黔州畫書子

美兩川夔峽諸詩以遺冊稜楊素翁俾刻之石使大雅之音久湮沒而復盈三巴之

耳素翁又欲作高屋廣楹庇此石因請名焉予名之曰大雅堂仍為作記其畧云由

杜子美以來四百余年斯文委地文章之士隨世所能傑出輩未有并子美之堂者

况室家之好耶余嘗欲隨然會意處幾以數語終以汨沒世俗初不暇給雖然子美



詩妙處乃在無意。於丈夫無意而意已至，非廣之以國風雅頌深之，以離騷九歌安能咀嚼其意味闡然入其門耶？故使後生輩則求之則得之深矣，使後之登大雅堂者能以余說而求之，則思過半矣。彼喜穿鑿者，弃其大旨，取其發興於所遇林泉人物、草木、魚虫，以為物物皆有所託，如世間商度隱語者，則子美之詩委地矣。

汝啼吾手戰，吾笑汝身長。處處逢正月，迢迢滯

遠方飄零還。柏酒衰病只，藜牀訓諭青衿子。名

慙白首郎賦詩，猶落筆獻壽更稱觴。不見江東

弟高歌淚數行。

公自注弟豐在江左無消息

### 又示宗武

覓句新知律，攤書解滿床。試吟青玉案，莫帶紫

羅囊。假日從時飲，明年共我長。應須飽經術，已

似愛文章十五男。兒志三千弟子行，曾參與游

夏達者得升堂。

老人語。○洙曰：張平子四愁詩，美人贈我錦綉段，何以報之青

玉案。晉謝玄少好佩紫羅香囊，叔父安患之而不欲傷其意，因戲睹取之於此，遂止。假因架休

也。假

遠懷舍弟穎觀等

陽翟空知處荆南近得書積年仍遠別多難不

安居江漢春風起冰霜昨夜除雲天猶錯莫花

夢尚蕭疎對酒都疑夢吟詩正憶渠舊時元日

會鄉黨羨吾廬

鶴曰陽翟縣屬許州潁之所  
在也荆南即江陵前有舍第

親取妻子  
到江陵詩

太歲日

鶴曰按史大曆三年歲次戊申正  
月丙午朔初三日為太歲日也

楚岸行將老巫山坐復春病多猶是客謀拙竟

何人閭闔開黃道木冠拜紫宸

等常  
大體榮光懸日

月賜子出金銀愁寂鴛行斷參差虎穴鄰西江

元下蜀北斗故臨秦散地逾高枕生涯脫要津

天邊梅柳樹相見幾回新

後山詩話王摩詰詩  
云九天宮殿開閭闔

萬國衣冠拜冕旒子美取作圭字云閭闔開黃  
道衣冠拜紫宸而語益壯也鶴曰唐紫宸正殿

名洙曰中候曰榮光出何休氣四寒榮光即五  
色也趙曰楚人指蜀江為江西以其從西而下

也散地閑  
赦之地也

喜聞盜賊蕃冠摠退口號五首

鶴曰按史  
大曆三年

吐蕃入寇十月路嗣恭  
及吐蕃戰于靈州敗之

蕭關隴水入官軍青溪黃河卷塞雲北極轉愁

龍虎氣西戎休縱犬羊群趙曰蕭關在靈州之傍隴水則指隴州也

青海在西即吐蕃之地也

贊普多教使入秦數通和好止烟塵朝廷忽用

哥舒將殺伐虛悲公主親說舊事○洙曰贊普吐蕃君長也趙曰開

元末吐蕃金城公主薨遣使來告又因請和明皇不許以哥舒翰節度隴右翰攻拔石堡城擒

其相收九曲故也

崆峒西極過崑崙駝馬由來擁國門逆氣數年

吹路斷蕃人聞道漸星奔趙曰劉孝標廣絕交論靡不望影星奔

勃律天西采玉河堅昆碧盤最來多舊隨漢使

千堆寶少答胡王萬匹羅更少也須萬匹答之○鄭曰唐書西域傳

大勃律西與小勃律接夢符曰唐書千闐國有玉河國人夜視月光盛處必得美玉趙曰堅昆

國出碧盤

自汝到荆府書來數喚吾頌椒添諷詠禁火卜

歡娛舟楫因人動形骸用杖扶天旋夔子峽春

近岳陽湖發日排南喜傷神散北噓飛鳴還接

翅行序密街蘆俗薄江山好無情者時危草木

蘇馮唐雖晚達終覬在皇都呂氏童蒙訓云杜詩如雕虫蒙記憶

烹鯉問沉綿不說作賦而說雕虫不說寄書而說烹鯉不說疾病而說沉綿頌椒添諷詠禁火亦歡娛不說歲節但云頌椒不說寒食但禁火亦文章之妙也

### 人日二首

元日到人日未有不陰時十字自足慘寒水雪鸞難至

春寒花較遲雲隨白水落風振紫山悲蓬鬢稀

疎久無勞比素絲稀疎少疊怨疊態○蔡條謂清詩話云都人劉克窮該與

籍嘗與客論云子美人曰詩元日至人日未有不陰時人知其一不知其二起就架上取書示

客曰此東方朔占書也歲後八日一日為雞二日為狗三日為豕四日為羊五日為牛六日為

馬七日為人八日為穀其日晴主所生之物育陰則災少陵意謂天寶離亂四方雲擾幅裂人

物歲歲俱災豈春秋書王正月意耶

此日此時人共得一談一笑俗相看樽前柏葉

休隨酒勝裏金花巧耐寒佩劍衝星聊暫披匣

琴流水自須彈早春重引江湖興直道無憂行

路難趙曰四民月令元日進椒柏酒洙曰歲時記人自剪絲為花勝以相遺或鏤金薄為

人勝以像瑞圖之形趙  
曰伯牙鼓琴志在流水

### 江梅

梅蕊臘前破梅花年後多絕知春意早最奈客  
愁何雪樹元同色江風亦自波故園不可見巫  
岫鬱嵯峨

### 庭草

楚草經寒碧庭春入眼濃舊低收葉舉  
掩捲牙重步履宜輕道開筵得屢供看花隨節  
序不敢強為容

解不  
得新

將別巫峽贈南卿兄灑西果園四十畝

蒼竹素所好萍蓬無定居遠遊長兒子幾地別  
林廬雜藥紅相對他時錦不如具舟將出峽巡

圃念攜鋤正月喧鶯未茲辰放鷁初雪離梅可  
折風榭柳微舒託贈卿家有  
謂卿家所有更  
贈君此意尤厚因

歌野興踈殘生逗江漢何處狎樵漁  
語自  
可念○洙

司馬相如賦浮文鷁注鷁水  
鳥畫其象於舟首以厭水怪

送大理封主簿五郎親事不合却赴通州

主簿前閩州賢子余與主簿平章鄭氏女

子垂欲納采鄭氏伯父京書至女子已許

他族親事遂停

禁齋去東牀趨庭赴北堂風波空遠涉琴瑟幾

虛張渥水出麒麟崑山生鳳凰兩家誠欵欵中

道許蒼蒼頗謂秦晉匹從來王謝郎青春動才

調白首缺輝光玉潤終孤立珠明得閣藏餘寒

拚花卉恨別蒲江鄉

題意懶欵

○ 洙曰晉孝武

主求婚謂王珣曰主婚但如劉真長王子敬便

足珣對曰謝混雖不及真長王減子敬未幾帝

崩表山松欲以女妻之珣曰卿莫近禁齋祐元

帝始鎮建業公私窘罄每得一豚以為珍膳項

上一鬱允美輒以薦帝時呼為禁齋故珣因以

為戲混竟尚主郗鑒使門生求安婚於王導導

令就東廂徧觀子弟曰生歸謂鑒曰王氏諸少

並佳然聞信至咸自矜持惟一人在東床坦腹

食獨若不聞鑒曰正此佳婿邪訪之乃羲之也

遂以女妻之漢書馬生渥洼水中左傳秦晉匹

也晉江左以王謝為冑族晉樂廣以女妻衛玠

議者以為婦公水清女壻玉潤

大曆三年春白帝城放船出瞿唐峽久居

夔府將適江陵漂泊有詩凡四十韻

鶴曰詩言

舟行所經之地至宜都而止則此詩作於夷陵也

老向巴人裏今辭楚塞隅入舟翻不樂

言思歸之文得

舟則快矣而臨別不可為情也五字備見反覆殊不用力

解纜獨長吁窄轉

深啼祝虛隨亂浴鳧石苔凌几杖空翠撲肌膚

疊壁排霜劔奔泉濺水珠杳冥藤上下濃淡樹

滌枯神女峯娟妙昭君宅有無曲留明怨惜夢

盡失歡娛擺闔盤渦沸欹斜激浪輸風雷纏地

脉冰雪曜天衢

有狀麗意

鹿角真走險狼頭如跂胡

公自注鹿狼頭三難名

惡灘寧變色高卧負微軀書史全

傾撓裝囊半壓濡生涯臨臭兀死地脫斯須不

有平川决焉知衆壑趨乾坤霾漲海雨露洗春

燕鷗鳥牽絲颺龍濯錦紆落霞沉綠綺殘月

壞金樞

奇險坡玉塔微闌本出於此

沉筍苞初荻沙算出小

蒲鴈兒爭水馬燕子逐樯鳥絕島容煙霧環州

繞曉晡前聞辨陶牧轉眄拂宜都縣郭南畿好

津亭北望孤勞心依憇息朗詠劃昭蘇意遣樂

還笑衰迷賢與愚飄蕭將素髮汨沒聽洪鑪立

壑曾忘返文章敢自誣此生遭聖代誰分哭窮

途造次卧疾淹為客蒙恩早廁儒廷爭酬造化

樸直乞江湖灑瀕險相迫滄浪深可逾浮名尋

已已嬾計却區區喜近天皇寺先披古畫圖自公

注此寺有晉王右軍書張僧繇畫孔子十哲形像應經帝子潛同泣舜

蒼梧朝士兼戎服君王按湛盧旄頭初擬擾鴉

首麗泥塗甲卒身雖貴書生道固殊出塵皆野

鶴歷塊匪轅駒伊呂終難降韓彭不易呼異代同歎

五雲高太甲太甲欠考注謂以太甲比代宗繆且無裾六月曠搏扶

回首黎元病爭權將帥誅山林託疲翁未必免

崎嶇洙曰神女峯昭君宅注見前左傳鄭子家曰小國之事大國不德則其鹿也鋌而走

險急何能擇詩狼跋其胡謝玄暉詩餘霞散成

綺澄江靜如練夢符曰本草水馬生水中善行

如馬亦謂之海馬蘇曰王粲登樓賦此彌陶收

謂之牧洙曰宜都峽州也趙曰廷爭酬造化公



天皇寺柏堂圖盧舍那佛像夜有奇光發自壁  
壁又於堂內圖孔子十哲像或謂釋門之內寫  
素王之容雖曰神異無方豈可夷夏同貫僧繇  
笑曰吾誠偶然安知不利於後聞者莫知其旨  
及後周滅二教梁為附庸荆楚祠宇莫不毀徹  
惟天皇寺有宣尼像遂為國庠時人歎其先覺  
又掌於此寺書龍不待點睛道俗請之捨錢數  
萬落筆之後雷雨晦冥忽失龍不知所在見者  
官故事定公曰屈原九歌帝子降兮北渚注帝  
子堯二女也隨舜不返沒於湘水之浦史記舜  
南狩行死於蒼梧之野歸葬於江南之九疑洙  
曰湛盧戟王劍名晉天文志昂為旄頭胡星也  
書胤征羲和淑擾天紀鶉首秦之分野屬雍州  
趙曰鶉首麗泥圖謂廣德元年長安陷也洙曰  
伊呂韓彭謂伊尹呂望韓信彭越也莊子鵬之  
徙於南溟也搏扶搖而上者九萬里去以六月  
息者也又蕭然瘦役而  
不知其所歸可不哀邪

巫山縣汾州唐使君十八第宴別兼詩公

携酒樂相送率題小詩留于屋壁

卧病巴東久今年強作歸故人猶遠謫茲日倍

多遠接宴身兼杖聽歌淚滿衣諸公不相棄擁

別借光輝

鶴曰山谷詩集有戲題巫山縣用杜  
子美韻云巴俗深留客吳儂但憶歸

直知難共語不是故相違東縣聞銅臭江陵換  
拾衣丁寧巫峽雨慎莫暗朝暉

春夜峽州田侍御長史津亭留宴得筵字

北斗三更席

如何  
看得

西江萬里船杖藜登水榭揮

翰宿春天白髮須多酒明星惜此筵始知雲雨

峽忽盡下牢邊

鶴曰峽州  
有下牢戍

敬寄族弟唐十八使君

稱唐社族弟

與君陶唐後盛族多其人聖賢冠史籍技派羅

源津在今最磊落巧偽莫敢親介立寔吾弟濟

時肯殺身物白諱受玷行高無汙真得罪永蒸

未放之五溪濱鸞鳳有鍛翻先儒曾抱麟雷霆

霹長松骨大却生筋一失不足傷念子孰自珍

泊舟楚宮岸戀闕浩酸辛除名配清江厥土巫

峽鄰登陸將首途筆札枉所申歸朝跼病肺叙

舊思重陳春風洪濤壯谷轉頗彌旬我能況中

流塘突鼉獺噴長年已省拖慰此真良臣

洙曰  
左傳

范宣子曰昔旬之祖自虞以上為陶唐氏在夏

為御龍氏在商為豕韋氏在周為唐杜氏晉主

夏盟為兔氏夢弼口永泰代宗年號鄭口水經

云武陵有五溪謂維溪橫溪酉溪瀘溪長溪悉

是蠻夷子孫後漢書注云今在辰州界洙曰顏

延年詠稭中散詩鸞駟有時鍛鍛所拜切殘也

鶴曰施州為清江郡趙曰郭璞江賦盤過谷轉  
洙曰長年操舟者

泊松滋江亭

鶴曰松滋縣屬江陵府

紗帽隨鷗鳥扁舟繫此亭江湖深更白

凡水深處必黑

惟湖光最白非子美誰能道此松竹遠還青一柱全應近高堂

莫再經

恨黑復再經

今宵南極外甘作老人星

洙曰一柱

觀在江陵高堂觀在巫峽

行次古城店泛江作不揆鄙拙奉呈江陵

幕府諸公

老年常道路遲日復山川白屋花開裏孤城來

秀邊

開闔畧見

濟江元自闊下水不勞牽風蝶勤依

漿春鷗懶避船王門高德業

公自註時陽城郡王衛伯王為江陵

節度使

幕府盛材賢行色兼多病蒼茫汎愛前

汎

并愛向前至江陵息也老病也。兩句字字有真。夢弼曰郡國志荊州當陽縣東南有麥城

洙曰史記箕子過故攷墟作麥秀之歌

乘雨入行軍六第宅

夢弼曰時杜位為江陵行軍司馬

曙角凌雲罷春城帶雨長水花分整弱巢燕得

泥忙令弟雄軍佐

公數自稱令弟皆創意傳後可据耳

凡材汚省

即萍漂忍流涕衰颯近中堂

上巳日徐司錄林園宴集

鬢毛垂領白

白畫萬萬

花藥亞枝紅歌倒衰年廢招

尋令節同薄衣臨積水吹面受和風

老人語別

有喜

留攀桂無勞問轉蓬

宋曰潘岳秋興賦班鬢麗以承弁兮素髮颯以垂領

劉安招隱七云攀援桂枝兮聊安留

宴胡侍御書堂

公自注李尚書之芳鄭秘監審同集歸字韻

江湖春欲暮牆宇日猶微閭閻書籍滿輕輕花

絮飛翰林名有素墨客興無違今夜文星動吾

儕醉不歸

宋曰漢揚雄作長楊賦藉翰林以為主人子墨為客卿以風趙曰翰林以

稱鄭李及胡侍御

書堂飲既夜復邀李尚書下馬月下賦絕

句

湖上林風相與清殘罇下馬復同傾

甚得當日之意

拚野鶴如雙鬢遮莫鄰雞下五更

嚴有翼藝苑雌黃云遮莫

蓋俚語猶言儘教也自唐以來有之故當時有  
遮莫你古時五帝何如我今日三郎之說然詞  
人亦秋月用之者杜詩云久拼野鶴如雙鬢遮  
莫鄰絳下五更李太白詩遮莫枝根長百尺不  
如當代多還往遮莫親姻連帝城不如當代自  
簪纓元微之詩從茲罷馳騫遮莫寺陰斜東坡  
詩芒鞋竹杖布行纏遮莫  
千山更萬山皆用此語

### 江南逢李龜年

岐王宅裏尋常見崔九堂前幾度聞

公自注崔九即殿中

監崔條中書令湜之弟。興來感舊不覺真率自然。正是江南好風景落

花時節又逢君

有合急就者即不合

鶴曰按史岐王範濂宗子然以

開元十四年薨此當是指嗣岐王珍也洙曰明  
皇雜錄云天寶中上命宮中女子數百人為梨  
園弟子時有馬仙期李龜年賀懷智皆洞知律  
度龜年特承顧遇於東都大起弟宅後流落江  
南每遇良辰勝景為人歌數闕座上聞之莫不  
掩泣罷酒夢弼曰雲溪交議明皇樂工李龜年  
奔迫江潭曾於湖南採訪使筵上唱紅豆南國  
春來發幾枝贈公多採摘此物最相思又云清  
風明月苦相思蕩子從戎十載餘征人去日愁  
懃囑歸鴈來時數附書此詞皆三維所作也

### 南征

春岸桃花水雲帆楓樹林偷生長避地適遠更  
露襟老病南征日君恩北望心百年歌自苦未

見有知音

此等不忍再讀

地隅

江漢山重阻風雲地一隅年年非故物處處是

窮途喪亂秦公子悲涼楚大夫平生心已折行

路日荒蕪

洙曰謝靈運擬魏公子鄴中詩序王粲家本秦川貴公子孫遭亂流寓自

傷情多楚大夫屈原宋玉也

歸夢

道路時通塞江山日寂寥偷生惟一老伐叛已

三朝

紀事有情孰不受媿

雨急青楓暮雲深黑水遙夢歸

歸未得不用楚辭招

趙曰楚地多楓言南下之景黑水在鄆社之間去長

安為近

奉送蘇州李二十五長史丈之任

星坼台衡地曾為人所憐公侯終必復經術竟

相傳食德見從事克家何妙年一毛生鳳穴三

尺獻龍泉赤壁浮春暮姑蘇落海邊客間頭最

白惆悵此離邊

趙曰晉張華傳少子韓以中台星坼勸華遜位華不從後竟被

誅今以言李長史之父惜乎無所考洙曰漢成  
帝時歌謠曰挂樹華不實黃帝巢其顛故為  
人所羨今為人所怜左傳公侯之子孫必復其  
始漢韋賢父子明經立至丞相易訟卦六二食  
舊德真屬終吉或從王事無成蒙九二子克家  
夢符曰南史謝鳳子超宗宋文帝見其作殷淑  
儀誅嗟賞謂謝莊曰超宗殊有鳳毛洙曰龍泉  
楚王劍名趙曰赤壁言李長史所經之地蘇州  
稱姑蘇  
本山名

### 暮春江陵送馬大卿公恩命追赴闕下

自古求忠孝名家信有之吾賢富才術此道未

磷緇玉府標孤映霜蹄去不疑激揚音韻徹籍

甚衆多推潘陸應同調孫吳亦異時北宸徵事

業南紀赴恩私卿月昇金掌王春度玉墀薰風

行應律湛露即歌詩天意高難問人情老易悲

樽前江漢閱後會且深期洙曰後漢韋彪議曰

門孫李昭示兒編云杜詩中多有反求磷緇別  
崔湜曰但取不磷緇皆作平聲趙曰潘陸謂潘  
岳陸機洙曰孫吳謂孫武吳起書卿士推月趙  
曰金掌謂承露仙人掌此譬其近於頭要也王  
春度玉墀言其以春時詣天子之丹墀也詩湛  
露天子燕諸侯也

### 暮春陪李尚書李中丞過鄭監湖亭泛舟

得過字

鶴曰湖亭在峽州

海內文章伯湖邊意緒多  
玉樽移晚興桂楫帶  
酣歌春日繁魚鳥江天足  
艾荷鄭莊賓客地衰

白遠來過

蠶穀行

天下郡國向萬城無有一城無甲兵  
馬得鑄甲作農器一寸荒田牛得耕  
牛盡耕田蠶亦成不  
受烈士淚滂沱男穀女絲行復歌

三絕句

前年渝州殺刺史今年開州殺刺史  
羣盜相隨

劇虎狼食人更肯留妻子

師曰步將吳璘殺渝州刺史劉下以反杜

鴻漸計平之又步卒翟封殺開州刺史蕭崇之以叛楊子琳平之鶴曰唐志渝州屬劍南開州

屬山南社鴻漸王吳璘楊子琳平翟封在大曆元年與三年學林新編云子美社鶴詩前四句

或者謂是題下注此論殊非子美又有絕句云前年渝州殺刺史今年開州殺刺史又正與杜鵑

詩相類自是一格也

二十一家同入蜀唯殘一人出  
駱谷自說二女



齧臂時迎頭却向秦雲笑

希曰唐志鳳翔府蓋屋縣有駱谷關西南

界入洋川路

殿前兵馬雖驍雄縱暴畧與老渾同聞道殺人

漢水上婦女多在官軍中

師曰時天子命陸瑋以三千神策軍彈壓

蜀中之亂老渾謂吐谷渾本西羌之種也

和江陵宋大少府暮春雨後同諸公及舍

### 弟宴書齋

渥洼汗血種天上麒麟兒才士得神秀書齋聞

爾為

聞字不可解必同字也

棣華晴雨好絲服暮春宜朋

酒日歡會老夫今始知

誠齋謂此譏諸公會不見招雖至猥淺得義外

意

○ 涿曰渥洼汗血馬見漢書禮樂志南史徐陵年數歲家人携以候沙門釋寶誌誌摩

其頂曰天上石麒麟也詩明酒注兩樽曰朋

宇文晁尚書之甥崔或司業之孫尚書之

子重泛鄭監前湖 此題畧不可解

郊扉俗遠長幽寂野水春來更接連錦席淹留

還出浦葛巾欹側未迴船樽當霞綺輕初散棹

拂荷珠碎却圓不但習池歸醪可君看鄭谷去

賞緣洙曰謝玄暉詩餘霞散成綺晉山簡遊習池鄭子真耕於谷口並註見前

惜別行送向卿進奉端午御衣之上都大曆

三年夏江陵府作

肅宗昔在靈武城指揮猛將收咸京向公泣血

洒行殿佐佑卿相乾坤平逆胡冥冥隨煙燼卿

家兄弟功名震麒麟閣畫鴻鴈行紫極出入黃

金印尚書勲業超千古雄鎮荊州繼吾祖裁縫

雲霧成御衣拜跪題封賀端午向卿將命寸心

赤青山落日江湖白卿到朝廷說老翁漂零已

是滄浪客趙曰向卿其名無所考鶴曰尚書謂衛伯玉也時為荊南節度江陵尹趙

曰公之遠祖杜預在晉為鎮南大將軍都督荊州諸軍事

夏日楊長寧宅送崔侍御常正字入京探

韻得深字鶴曰唐志長寧縣屬鎮北大都護府

醉酒揚雄宅升堂子賤琴不堪垂老鬢還對欲

分襟天地西江遠星辰北斗深烏臺俯麟閣長

夏白頭吟

洙曰揚雄有宅一區家素貧者酒必子賤治單父彈琴不下堂而單父治

御史府名烏臺注見前希曰唐改秘書省為麟閣

夏夜李尚書筵送宇文石首赴縣聯句

夢弼

曰李尚書名之芳字文名或尚書之甥也石首縣屬江陵

愛客尚書重之官宅相賢甫酒香傾坐側帆影

駐江邊

之芳

翟表郎官瑞鳧看令宰仙

或

雨稀

雲葉斷夜叉燭花偏

甫

數語歌紗帽高文擲綠

戲之芳

興饒行處樂離惜醉中眠

或

單父長多

暇河陽實少年

甫

客居逢自出為別幾凄然

之芳

○洙曰晉魏舒少孤為家寧氏所養寧氏起宅相者云當出貴甥外祖母以盛氏甥小而慧

意謂應之舒曰當為外氏成此宅相書羽獻夏翟注翟姓名漢蕭望之為郎有雉數十常隨車

翔集王喬鳧鳥宓子賤治單父潘岳為陽令並見前注左傳晉侯曰康公我之自出

多病熱熱奉懷李尚書

之芳

衰年正苦病侵陵首夏何須氣鬱蒸大水森茫

炎海接奇峯碑兀火雲升思露道暘黃梅雨敢

望宮恩玉井冰不是尚書期不顧山陰野雪興

難乘

山陰野雪反語

○鄭曰喝音謁著病也趙曰唐制百官賜冰冰凍曰漢陳遵每飲賓

客輒閉門取客車轄投井中雖有急終不得去時北部刺史奏事過遵值其方飲刺史大窮候遵露醉時突入見遵母叩首自白當對尚書有期會狀母乃令從後闕出應休璉與滿公琰書仲孺不辭同產之服孟公不顧尚書之期晉王子猷居山陰雪夜懷戴安道便乘舟詣之造門不前而返曰乘興而來興盡而返何必見安道耶

### 水宿遣興奉呈羣公

魯鈍仍多病逢迎遠復迷耳聾須畫字髮短不勝篔簹澤國雖勤雨炎天竟淺泥小紅還積浪弱

纜且長堤歸路非關北行舟却向西暮年漂泊恨今夕亂離啼童稚頓書禮盤殮詎慘藜我行何到此物理直難齊高枕翻星月嚴城疊鼓鞞風號聞虎豹水宿伴鳧鷖異縣驚虛往同人惜解攜蹉跎長汎鷁展轉屢聞雞嶷嶷瑚璉器陰陰桃李蹊餘波期救涸費日苦輕齎杖策門闌邃肩輿羽翻低自傷井賤役誰愍疆幽棲巨海能無釣浮雲亦有梯敷庸思樹立語默可端倪

贈粟困應指登橋柱必題丹心老未并時訪五

陵漢鶴曰澤國字出周禮勤雨字雖出穀梁傳言不兩者勤雨也而此乃勤數之義洙曰

家語孔子蔡菱不糝李廣傳桃李不言下自成

蹊吳周瑜求資糧於魯肅肅家有兩困米各三

十斛肅乃指一困與周瑜成都城比有昇遷橋

司馬相如初西去題其柱曰不棄綳馬車不復

過此  
江陵望幸 此舊時因至江陵系於此

雄都元壯麗望幸歛威神地利西通蜀天文北

照秦風煙含越鳥舟楫控吳人且悲且喜未枉

周王駕終期漢武巡甲兵分聖旨居中付宗臣

早發雲臺仗恩波起涸鱗鶴曰按史土元元年

廣德元年吐蕃八寇代宗幸陝以衛伯玉有幹

畧可當方面任大事乃拜荆南節度使意是時

代宗有意幸江陵故公有此作王內翰注云時

人駕在蜀然明皇幸蜀時未以江陵為都也洙

曰周穆王肆意遠遊駕八駿之乘漢武帝南巡

至於盛唐注盛唐南郡也景帝時七國反以誅

龜錯為名錯欲令上自將兵而身居守蕭何漢

之宗臣鶴曰宗臣指郭子儀時代宗幸陝郭子

儀旋復京師帝以

子儀為京城留守

號國夫人

杜去卷八

卷八

魏國夫人承主恩平明上馬入宮門却嫌脂粉

淡顏色淡掃蛾眉朝至尊夢弼曰唐書楊貴妃有姊三人長封魏國

並承恩出入宮掖

遺悶

地闊平沙岸舟虛小洞房使塵來驛道城日避

鳥播暑雨留蒸濕江風借夕涼行雲星隱見疊

浪月光芒螢鑿綠帷撒蛛絲骨鬢長閑冷哀等不厭

猶凭几鳴笛竟露裳倚著如秦贅過逢類楚狂

氣衝著劍匣穎脫撫錐囊妖孽關東臭兵戈隴

右瘡時清凝武畧世亂踟文場親歷此竟若為子言餘力

浮于海端憂問彼蒼百年從萬事故國耿難忘

趙曰泊船近城日為城所障故云城日避鳥播此公之巧句也螢鑿者以螢光可以照物也鄭

曰骨音猷桂也洙曰賈誼傳秦人家貧子壯則出贅論語楚狂接與晉張華見劍氣衝牛斗史

記平原君曰士之處世譬如錐之處囊中其未立見毛遂曰使遂蚤得出囊中乃穎脫而出非

特其來而已謝莊月賦端憂多瑕

江陵節度使陽城郡王新樓成王請嚴侍

御判官七字句同作

鶴曰節度使  
衛伯玉也

樓上炎天冰雪生高飛燕雀賀新成碧窻宿霧

濛濛濕朱拱浮雲細細輕杖鉞塞帷瞻具美投

壺散秩有餘清自公多暇延參佐江漢風流萬

古情

脩可曰晉羊球登西樓賦云畫棟浮細細  
之輕雲朱拱濕濛濛之飛雨王逸少見之

愛羨竟日洙曰漢宗資為中郎將杖鉞將兵督

州郡賈琮為冀州刺史舊典傳車驂駕無赤帷

裳迎於州界及琮之部升車言曰刺史當遠視

廣聽糾察羨惡何有反垂惟裳以自塗塞乎乃

命御者塞之百城聞風震悚恭遵為將軍對酒

設樂必作歌投壺

又作此奉御王

豈自以前作為未愜耶

西北樓城雄楚都遠開山岳散江湖二儀清濁

還高下三伏炎蒸定有無

出語如此江風  
山月何足陳哉

推轂

幾年惟鎮靜曳裾終日盛文儒白頭授簡焉能

賦愧似相知為大夫

洙曰漢馮唐傳古者命將  
跪而推轂曰關以內寡人

制之闌以外將軍制之鄒陽傳公王之門不可  
曳長裾乎謝惠連雪賦梁王遊於兔園授簡於

司馬大夫曰為寡人賦之漢藝文志登高能賦  
可以為大夫

江邊星月二首

驟雨清秋夜金波耿玉繩天河元自白江浦向  
來澄映物連珠斷緣空一鏡升餘光憶更漏况  
乃露華凝洙曰謝玄暉詩金波麗鵲玉繩低  
建章趙曰金波謂月玉繩謂星也洙  
曰漢志五星  
如連珠

江月辭風纜江星別霧船雞鳴還曙色鷺浴自

晴川歷歷竟誰種悠悠何處圓客愁殊未已他

夕始相鮮種謂星住引白揄綴但賦雜他語如  
何見是星月子美詩每有此弊○洙

曰古詩天上何所  
有歷歷種百揄

### 舟月對驛近寺

更深不假燭月朗自開船金刹青楓外朱樓白

水邊城鳥啼眇眇野鷺宿娟娟皓首江湖客鈞

簾獨未眠

### 舟中

風餐江柳下雨卧驛樓邊結纜排魚網連檣並

米船今朝雲細薄昨夜月清圓飄泊南庭老祗

應學水仙趙曰鮑照詩風餐委松栢雲卧恣天  
行南庭老公自謂也南庭者猶北地



謂之北庭耳鄭曰結字音係如漢書張釋之疏  
為王生結鞅注結讀曰係

秋日荆南之懷三十韻

昔承推獎分媿匪挺生材遲暮官臣忝艱危表  
職陪揚鑣隨日馭折檻出雲臺罪戾寬猶活干  
戈塞未開星霜玄鳥變身世白駒催伏枕因起  
忽扁舟任往來九鑕巴巽火三蟄楚祠雷望帝  
傳應實昭王問不迴蛟螭深作橫豺虎亂雄猜  
素業行已矣浮名安在哉琴鳥曲怨憤庭鶴舞

催頽秋水漫湘竹陰風過嶺梅苦搖求食尾常

曝報思臆結舌防認柄探腸有禍胎意甚苦蒼茫

步兵哭展轉仲宣哀饑籍家家米公自注愁微

處處盃休為貧士歎任受眾人咍得喪初難識

榮枯劃易該差池分組尾合脊起蒿萊不必伊

周地皆登屈宋才漢庭和異域晉史坼中台霸

業尋常體宗臣忌諱災霸業尋常體謂出孫于外此宗臣所甚諱也

羣公紛戮力聖慮宵徘徊數見銘鐘鼎真宜法

斗壯願聞鋒鏑鑄莫使棟梁摧盤石圭多剪凶

門較少推委旋資務務祝網但恢恢赤雀翻然

至黃龍不假媒非子美賢非夢傳野隱類鑿顏

坏自古江湖客冥心若死灰矯然而止○師曰唐六

十遺武后時置取詩衮職有闕惟併山庸補之

之義以名今公正言為十遺時也漆曰漢朱雲

折檻詳見後折檻行注明明帝圖畫功臣於南宮

雲臺趙曰廣雅玄鳥為燕也洙曰漢魏豹傳人生

一世如白駒之過隙謂鑄燧改火漢采巴聿喫

酒以救蜀火趙曰月令仲秋之月雷乃收聲公

以八月在夔在江陵是見雷之三蠻矣楚桐楚

人祠祭也希曰公自入蜀至下峽之年恰是九

春其中在夔三年耳洙曰成都記望帝死其魂

化為杜鵑左傳齊桓公以諸侯之師伐楚責以

爾貢包茅不入及昭王南征而不復楚子使原

先對曰貢之不入寡君之罪也昭王南征不復

君其問諸水濱按昭王南征至漢以膠舟故溺

死趙曰琴烏夜啼之曲而庭鶴為之舞也洙曰

司馬子長報任少卿書猛虎在檻穿之中搖尾

而求食三秦記龍門魚登者化為龍不登者鱉

額曝腮而返漢書結諫臣之舌又禍生有胎

阮籍為步兵校尉痛哭途窮漢末王粲字仲宣以

避難流離作七哀詩漢高帝與匈奴結和親之

約晉張華傳中台星圻未幾華被害鄭曰官伊

鳥切洙曰高帝王子弟地大牙相制所謂盤石

之宗也史記成王與弟叔虞戲削桐葉為圭曰

以此封君夢弼曰淮南子君命將臣辭而行乃

瓜齏設明衣鑿凶門而出洙曰馮唐傳古者命

瓜齏設明衣鑿凶門而出洙曰馮唐傳古者命

瓜齏設明衣鑿凶門而出洙曰馮唐傳古者命

瓜齏設明衣鑿凶門而出洙曰馮唐傳古者命

將跪而推轂曰闡以外將軍制之史記成湯見  
野張網乃令去其三面祝曰欲左左欲右右不  
用命乃入吾網老子天網恢恢恢恢春秋演孔圖曰  
鳥化為書曰口奉以告天赤雀集書上化為黃  
玉趙曰適甲曰赤雀不口口國無賢注赤雀主  
街書陽精也瑞應圖曰黃龍四龍之長也王者  
不漉池而漁則應和氣而遊於池沼此皆言祥  
瑞也夢弼曰淮南子魯君欲相顏闔使人以幣  
先焉顏闔鑿垆而適揚雅  
鮮朝云士或鑿垆以適

江漢

江漢思歸客乾坤一腐儒  
詩話不必有此但評接句最善可觀片

雲天共遠冰花月同孤落日心猶壯  
不必其事長路自憐

秋風病欲蘇古來存老馬不必取長遼  
古今詩話云揚

大年而喜杜詩謂之材夫子有鄉人以杜詩強  
大年大年不服因曰公試為我續江漢思歸客  
一句大年亦為屬對鄉人曰乾坤一腐儒大年  
似少屈趙曰韓非子管仲隰朋從桓公伐孤竹  
返迷惑失道管仲曰老馬之智可用也乃放老  
馬而隨之遂得道焉公之意蓋以自喻也

遠遊

江閣浮高棟雲長出斷山塵沙連越雋風雨暗

荆蠻鴈矯銜蘆內猿啼失木間弊裘蘇季子歷

國未知還  
夢符曰唐志越雋劔南道也冰曰國  
策蘇秦字季子說秦王不行黑貂之

弊 裘

折檻行

鶴曰此詩似為崔肝作也大曆初杜鴻漸入蜀平曰肝之亂尋衣肝

為節度使是年四月肝入朝五月加檢校左散騎常侍未幾又加檢校工部尚書公蓋深惜當時朝廷無一人敢言者夢弼曰漢成帝時朱雲上書乞斬張禹上怒令御史將雲下雲攀殿檻折後當治檻上曰勿易因而輯之以旌直臣故後世殿檻皆曲以雲故也

嗚呼房魏不復見秦王學士時難羨青襟胄子

困泥塗白馬將軍若雷電千載少似朱雲人至

今折檻空嶙峋婁公不語宋公語尚憶先皇容

直臣

洙口房魏房玄齡魏徵也初太宗開為秦王開文學館有十八學士鶴曰青襟胄子

謂國子生也書命夔典樂教胄子定公曰魏龐德常乘白馬與關羽戰射羽中額羽軍謂之白

馬將軍脩可曰左太冲魏都賦階隋嶙峋注高也容齋二筆云杜詩折檻行千載少似朱雲人

至今折檻空嶙峋婁公不語宋公語尚憶先皇容直臣此篇專謂諫諍而設謂婁師德宋璟也

人多疑婁公既无一語何得為直臣錢仲仁云朝有闕政或婁公不語宋公語但師德乃是武

后朝入環為相其亡久矣杜有祭房相國文言羣公間出魏杜婁宋亦併二公稱之詩言先皇

謂玄宗也婁氏別無顯人有聲開元間為不可曉

秋日荆南送石首薛明府辭蒞告別奉薛

尚書頌德叙懷裴然之作三十韻鶴曰石首江陵

屬邑也薛尚書景僊也按史永泰大曆間吐蕃再遣使者來聘以戶部尚書薛景僊

報生

南征為客久西候別君初歲滿歸鳧鳥秋來把

鴈書荆門留美化姜被就離居聞道和親八壘

名報國餘連枝不日並八座幾時除徃者胡星

字恭惟漢網疎風塵相瀕洞天地一丘壘毀

鴛鴦并宮簾翡翠虛鈞陳摧微道捨粟失儲胥

文物陪巡狩親賢病拮据公時呵禦翰首唱却

鯨魚勢恹宗蕭相林非一范睢公自注秦拜范睢為客卿卒聽

其謀使五大天縮伐魏技懷其相秦也東伐韓少曲高平拔之又以其謀縱反問於趙趙以馬服子代廉頗大破趙於長平皆免睢之謀故以比諸時屍填太行道血走

浚儀渠滄口師仍會亟關憤已攄紫微臨大角

皇極正乘輿乘輿平聲與諒閣去聲唐人多此植賞從頻峨冕殊

私在直廬公自註公舊執金吾新授羽林前後二將軍豈惟高衛霍

曾足接應徐降集翻翔鳳追攀絕衆但侍臣雙

宋玉戰策兩穰苴鑿澈勞懸鏡荒蕪已荷鋤嚮

來披述作公自注石首處重此憶吹噓白髮年

凋喪青雲亦卷舒經綸功不朽跋涉體何如自公

注公洎奉使和應訝鮑湖橘嘗餐占野蔬十年

嬰藥餌萬里狎樵漁揚子淹投閣鄒生惜曳裾

但驚飛熠燿不記改蟾蜍煙雨封巫峽江淮略

孟諸湯落語然湯池雖險固遼海尚填於努力

輸肝膽休煩獨起予趙曰西候仙口也鳧鳥指

尚書音問也洙曰漢江朕兄弟三人交愛嘗同

被而寢唐以六尚書左右僕射台為入坐趙曰

胡星指言祿山也洙曰鄴都銅雀臺皆鴛鴦尾

西京雜記有翡翠簾趙曰魏文帝夢殿屋兩尾

墜地化為鴛鴦洙曰班夢堅西都賦周以勾陳

之立又徹道綺錯楊雄長揚賦水擁槍纍以為

儲胥注槍纍作木槍相纍為柵也纍力執切儲

胥言儲蓄以待所湏也又儲胥館名鄭曰獯鳥

點切獯翼乳切獸名趙曰左傳取其鯨鯢而封

之以為京觀夢弼曰漢書蕭何為一代之宗臣

此以比郭令公洙曰太行山在河北浚儀渠汴

河也夢弼曰溢扶甫切光黃之間水名言尚書

公督諱郡節度兵會於溢口也洙曰晉天文志

大角星名天王座也左傳晉侯賞從亡者夢弼

曰以漢衛青霍去病比其武功以魏應德連徐  
公幹此其文學也趙曰翔鳳喻其兄弟也洙曰  
衆狙也莊子史記穰苴有司馬兵法誠齋詩話  
云有用文語為詩句者尤工杜云侍臣雙宋五  
戰策兩穰苴蓋用如六五帝四三王洙曰胡橘  
潭州有橘洲也投閣曳裾注見前熠燿螢火也  
蟾蜍謂月也夢弼曰尔雅十數宋有孟諸住今  
在梁國此乃公追言梁宋之舊遊也趙曰遼海  
指幽燕漢志注  
填淤壅泥也

### 哭李尚書

之芳鶴曰尚書唐宗室也安祿  
山奏為范陽司馬祿山反自  
歸京師廣德初使吐蕃被留二年乃得歸  
非禮部尚書改太子賓客薨

漳濱與蒿里逝水竟同年欲挂留餘劍猶迴憶

載船

極老  
傷痛

相知成白首此別問黃泉風雨嗟何

及江湖涕泫然

容易  
沉著

修女將管輅奉使失張騫

史閣行人在詩家秀句傳客亭鞍馬絕旅襯綢

蟲懸復塊昭丘遠歸魂素澹偏樵蘇封葬地喉

舌罷朝天秋色凋春草王孫若箇邊

洙曰劉公  
幹詩余嬰

沉痾疾竄身清漳濱田橫門人挽歌二章蓬露  
蒿里希曰漢書注蒿里死人里也洙曰吳季禮

聘魯過徐徐君好季札劍口不敢言札心知之  
為使國亦獻還至徐徐君已死禮乃解其劍

繫之豕樹而去世言頽曰卜商為池下修文柳  
道曰管輅見魏志方技傳夢弼曰失張騫

謂李之遠廣德間嘗使吐蕃按公秋口變府詠  
懷百納未云遠中非阮籍查上似張騫亦謂李  
之芳西言也趙曰史閣言書名於史冊也洙曰  
周禮秋官有大行人小行人禮記骨肉歸復于  
土王粲登樓賦西接昭丘注楚昭王墓也趙曰  
涇水名在長安潘安仁西征賦地有玄灞素涇  
洙曰後漢李固應詔對曰陛下之有尚書猶天  
之有北斗斗為天候舌尚書為陛下之喉舌也  
劉安昭隱王孫遊兮  
不歸春草生兮萋萋

### 重題

涕灑不能收哭君餘白頭兒童相顧盡宇宙此

生浮悵然何所人盡江雨銘旌濕湖風并還秋還瞻魏

### 太子賓客減應劉

公自注公在禮部尚書薨于太子賓客 ○ 燕賦

歌曰邊風起兮城土寒兮運戚兮○立龍殘趙曰魏文帝為太子時應瑒劉楨並見交善洙曰文帝與吳質書昔年疾疫親故罹其災徐陳應劉一時俱逝痛可言耶

### 獨坐

悲秋回白首倚杖背孤城江欵洲渚出天虛風  
物清滄溟服袞謝朱紱負平生仰羨黃昏鳥投

林羽翮輕洙曰木一作滄溟恨袞謝趙曰公為尚書郎賜緋矣故云朱紱

### 哭李常侍澤二首



一代風流盡修文地下深斯人不盡見將老矣

知音自是短日行梅嶺寒山落桂林長安為箇

畔猶想映貂金猶有○趙曰短日行梅嶺寒山

自廣南來也梅嶺今南安軍桂林今靜江府

曰唐志左右散騎常侍隸門下中書省皆金蟬

貂耳青瑣陪雙入銅梁阻一辭風塵達我地江漢哭

君時可次第尋書札呼兒檢贈詩假發揮王子

表不愧史臣詞洙曰青瑣謂出中門也銅梁蜀

侯表李常侍乃宗室之子也

### 安王使君宅題二首

漢主追韓信蒼生起謝安吾徒自飄泊世事各

艱難逆旅招邀近他鄉意緒寬不才甘朽質高

卧豈泥蟠洙曰漢高帝入關諸將道亡者數十人蕭何聞韓信亡自追之晉謝安桓

溫請為司馬將發高嶽賦之曰卿屢違朝旨高卧東山諸人每相與言安石不出將如蒼生何

揚子龍蟠于泥

况愛容霜鬢留飲下夜聞自吟詩送老相勸酒

開廣成馬今何地鄉園獨在山  
江濼出清輝  
雨任執還

久客

羈旅知交態淹留見俗清  
衰顏抑自哂小吏最  
相輕去國哀王粲傷時哭賈生  
狐狸何足道豺

虎正縱橫

洙曰漢書翟公書其門曰一貧一富  
乃知交態漢末西京擾亂王粲去而

依劉表於荊州賈誼文帝非一政事疏云可為  
哭痛者一張網傳豺狼當路問狐狸

集千家註批點杜工部詩集卷之八  
久野四兵衛  
一通 謹納

